



中興禮書第二百七十七卷

凶禮四十二

懿節皇后

訃音

紹興十二年四月十八日知盱眙縣宋肇言北界泗洲
報皇后邢氏亦已上僊梓宮同徽宗皇帝顯肅皇后梓
宮一併迎護前來約七月末旬到界首詔令太常寺討

論典禮聞奏

紹興九年六月二日皇后邢氏崩至是年
四月十八日報到其迎奉梓宮以至攢宮

檢攢典禮並
詳載永祐陵

同日禮部太常寺言今參照孝明皇后孝穆皇后初崩
典禮合設几筵欲乞於昨顯肅皇后几筵殿安奉詔依
二十六日詔四川關報大行皇后梓宮約七月末旬到



界首釁延中壺計問北來凡爾臣庶共深痛悼

二十七日禮部太常寺言榮州防禦使邢孝揚奏竊念本家遠遠中宮慈訓日遷月改十有六年每思沙漠扈衛之艱不遑寢食所都復還宮壺再覩宸顏豈圖變起非常禍生莫測終天之痛夫復何言欲望聖慈矜惻特許臣於本家設位牌供養至終制除脫奉聖旨令禮部太常寺討論申尚書省檢會昭慈聖獻皇后故例是時令孟忠厚本家遇逐七百日在家設位行禮今來邢孝揚陳乞於本家設位牌供養至終制今討論欲依禮例如遇逐七百日即令本家設位供養詔依

宋會要四月二十九日御史

中丞兼侍讀萬俟卨言比者伏遇大行皇后訃聞北來臣子之心不勝哀隕臣欲率臺諫官于五月初二日躬詣法惠寺啟建道場一晝夜從之

立重

紹興十二年四月十九日權禮部侍郎施垌等言近討論成服日合立重今來即與故事不同欲乞比附禮例初聞哀次日立重若將來發哀日并次日太史局所選日辰皆不可動土欲乞令都大主管官報臨安府置辦石座子一個就哀日同時立重詔依

發哀

崩典禮條具下項 一發哀日至群臣釋服前皇帝不視事 一依故事自聞來 未成服已前皇帝合服皂幘頭白羅衫黑銀帶欲乞令工部指揮文思院疾速製造赴御藥院送納如未造了欲乞依禮例權服忌日之服所有初發哀乞于几筵殿 一文武百僚俟几筵殿

發哀立班訖詣常御殿門外進名奉慰係未成服已前
擯去金玉飾服黑角帶 一依故事合奏告天地宗廟
社稷諸陵宮觀詔依發哀日太史局選用四月二十六日巳丑吉時宜用其日丙時吉
十九日權禮部侍郎施垌等言今續次參酌到事件
一成服後朝臨儀文武百僚詣幕次換孝服訖御史臺太
常寺閤門報班詣几筵殿內外隨宜立班並再拜訖禮
直官引班首詣 一將來初發哀并成服朝臨三日合
用香爐匙合香炭火並從都大主管官指揮几筵殿排
辦 一發哀後文武百僚每日朝臨合用幕次下儀鸞
司臨安府釘設如值雨依禮例免赴 一入內內侍省
官所服孝服若隨從車駕至几筵殿即合服著詔依
二十二日御史臺言將來几筵殿發哀緣殿下地步窄

隘乞至日宰執以下百官於殿內外隨地之宜趨那立
班其發哀成服朝臨乞集文臣應通直郎以上并行在
見任承務郎以上職事官赴詔依

二十三日禮部太常寺言權禮部侍郎施垌等劄子勘
會昨徽宗皇帝顯肅皇后升遐初發哀宣讀國書所有
將來發哀竊念亦合修寫宣讀批送禮部太常寺擬定
申尚書省照得今來為大行皇后發哀與當來徽宗皇
帝顯肅皇后事體不同其宣讀關報官欲乞差近上侍
從官一員宣讀仍令學士院將關報照應修撰發哀文
意詔依

同日權禮部侍郎施垌等言四月二十六日為大行皇
后發哀文武百僚並於几筵殿臨安府見任寄居待闕

官不該赴几筵殿立班並赴臨安府公廳詔依
同日禮部太常寺言今看詳下項 一今來為大行皇
后初發哀欲令臨安府禁四月十六日屠宰一日諸路
州縣管內寺觀自關報到日修建道場三晝夜仍令諸
州縣禁屠宰一日 一發哀成服日百司作休務假一
日一應臨安府裏外諸寺院自四月二十六日為始共
聲鍾五萬杵詔依

六月四日禮部言大宗正司申契勘四月二十六日大
行皇后崩發哀畢本司以將宗室男女嫁娶權住未委
却合至甚年月日依舊望下太常寺定奪送禮部看詳
申尚書省本部下太常寺看詳檢會紹興七年為顯肅
皇后上仙故事宗室男女各依服屬候終喪日分大功

服九月小功服五月總麻服三月無服宗室依禮例三
日除服後不禁許令嫁娶今看詳今來大宗正司所申
合依上件事施行詔依

發哀儀

發哀日時前皇帝自內服常服至几筵殿側御幄俟時
將至皇帝就幄易皂幘頭白羅衫黑銀帶百僚就幕次
去金銀帶飾
服皂次百僚入詣几筵殿下並北向立定俟時至宣讀
官東向立指笏宣讀訖出笏復位皇帝就幄內舉哭百
僚就位皆舉哭畢百僚退皇帝服皂幘頭白羅衫黑銀
帶還內以俟成服如別儀

成服

紹興十二年四月十八日禮部太常寺言今參酌典禮

寶龕堂
下項 一檢會自來國朝園陵故事百司行移並稱大
行皇后今來百司行移欲稱大行皇后 一依故事將
來皇帝成服合服齊衰布頭冠白幘頭大袖襴衫裙袴
腰經桐杖今欲乞令工部指揮文思院疾速製造赴御
藥院送納 一檢會孝明皇后禮例皇帝成服七日而
釋章穆皇后禮例皇帝成服十三日而釋顯恭皇后禮
例係依章穆皇后故事十三日釋服今乞依近例十三
日釋服 一文武百僚成服日依故事就皇城內幕次
服齊衰服內宗室布四脚布直領襴衫腰經並自成服
後日一臨三日而除自退就次易吉服出內去金銀帶
魚袋釋服仍舊軍員於皇城内易衣今欲乞依故事施
行 一初發表禮例行在諸軍統制統領官輪日赴臨

並成服其餘將副并部隊將管隊使臣并散使臣陞朝
官以上及將校副指揮使以上常服哭於本營廳事三
日而止其常日朝殿祇應排立行門禁衛班直將校副
指揮使已上并御前忠佐候百官赴臨即哭於殿門外
所有今來皇后崩初發表并成服後臨三日欲乞依故
事施行內常日朝殿祇應排立行開禁衛班直將校副
指揮使以上并御前忠佐候百官赴臨去色衣臨於几
筵殿門外 一依故事士庶各於本家素服三日而除
婚嫁除服後不禁 一檢會國朝故事沿邊州縣軍鎮
並不舉哀又檢會禮例緣諸大帥各係國家腹心爪牙
之臣休戚一體各就所屯軍去處自副將而上成服朝
晡臨其餘部隊將管隊使臣并散使臣陞朝官以上及

寶龕堂
將校副指揮使以上並常服哭於本營三日而止今來
欲乞依禮例施行所有合服孝服官止朝臨仍乞於訃
告指揮前頭連頒降施行 一今來合差都大主管官
係降勅差近上入內侍省官 一文武百僚合服齊
衰布頭冠白幘頭大袖襴衫腰經并依國朝故事及近
例三省樞密院主事以上係主事以上有官人服孝服餘不服并御史臺
太常寺閤門引班祇應人各合服孝服內引班無官人
止服布幘頭大袖襴衫腰經乞指揮下臨安府製造施
行詔依
同日權禮部侍郎施垌等言今欲乞降故事將來皇后
成服并釋服日及釋服後至祔廟前遇朔望日皇帝不
視事文武百僚於常御殿門外進名奉慰詔依

十九日權禮部侍郎施垌等言四月二十六日發哀所
有破服成服日太史局選用四月二十六日丙時破服
至庚時成服同時立重詔依

二十一日權禮部侍郎施垌等言今來為大行皇后掛
服日欲乞依禮例俟成服訖皇帝詣几筵前行發奠之
禮今參酌條具到合行事件 一合用香案香爐匙合
炭火湯瓶注椀盤盞茶盞托奠茶酒孟子沙鐸盆臺等
從都大主管所指揮所屬排辦 一合用御幄施簾於
几筵殿側隨地之宜并合用御座黃羅裙褥并奏請紫
褥下儀鸞司排辦 一合用祝文一首送以皇帝為大行皇后成服訖
行祭奠 一合差讀祝文官一員乞降勅於史官內差
一合用御封降真香一合 一合差侍香并進茶酒

寶齋堂
捲簾舉祝版內侍下入內侍省量人數差 一合用

定時剋擇官二名下太史局差內一名于殿內祇應一名于殿門外百官幕次

前一合差前導太常卿一員贊引太常卿太常博士

一員乞差本寺少卿博士充 一勘會將來成服日至

時如遇雨降乞令文武百官止於几筵殿門外幕次俟

時掛服訖隨地之宜權立止乞宰執侍從臺諫武臣觀

察使已上趨赴立班仍從都大主管所關報修內司同

臨安府相度結縛席屋詔依自後凡請降祝文係學士院修撰書寫御封香係入

內侍省取降其釋服并奉上冊寶几筵撤坐合用香案器皿御陸拜褥差讀祝文官并前導太常卿博士侍

香內侍等官並做此

二十二日大行皇后几筵都大主管所言契勘今來大

行皇后几筵已選定四月二十六日庚時成服合用祝

文乞令學士院修撰降下遣官行禮詔行禮官差主管
官祭文令學士院日下撰書祝版降付

同日臨安府言禮部太常寺奏文武百僚等合服齊衰

服下臨安府委官製造本府契勘行在及本府見任并

寄居待闕文武官員數至多欲依近降指揮百僚見梓

宮合服總麻服體例除職事官製造孝服給散外所有

寄居待闕文武官支給布一匹詔依

二十五日太傅樞密使廣國公張俊太傅福國公韓世

忠奏契勘四月二十六日文武百僚並赴大行皇后几

筵殿舉哀掛服所有隨行官兵並係軍前人緣逐人自

來不曾置辦朝服欲望免赴几筵就臣親兵寨舉掛詔

依

成服祭奠儀

其日時前禮直官太常博士太常卿先詣幄前立俟皇帝自內服皂幘頭白羅衫黑銀帶詣几筵殿側御幄即坐簾降俟時禮直官太常博士引太常卿當幄前俛伏跪奏太常卿臣某言請皇帝為大行皇后成服奏訖伏興太常卿太常博士禮直官並權還易服訖於幄前立皇帝釋素服服期服文武百僚於几筵殿門外同時易服訖入詣殿門內外隨地之宜立班定禮直官先引讀祝文官詣香案之西東向立俟皇帝服期服訖閣門報班齊在位官皆再拜訖簾捲禮直官太常博士太常卿前導皇帝出幄由側階詣大行皇后几筵香案前奏請上香再上香三上香內侍進茶酒又奏請酌茶三奠酒奏請少立讀祝文

官東向跪讀祝文訖奏請皇帝舉哭在位官皆舉哭俟哭止又奏請致欵不拜前導官前導皇帝在位官皆再拜俟前導歸幄次文武百僚前導官退皇帝還內文武百僚詣常御殿門外進名奉慰訖退

禁樂

紹興十二年四月十八日禮部太常寺言今參照典禮下項一依故事初崩合禁止音樂今欲乞自發哀日為始禁止行在音樂至釋服仍舊一依故事諸道州府等計到日舉哀成服三日而除欲依故事施行仍乞禁止音樂三日亦乞於計告指揮前頭速頒降施行詔依

五月六日權禮部侍郎施炯等言謹按孝明皇后之喪

寶齋堂
朝廷用樂月日國史不載章穆皇后景德四年四月十六日崩八月群臣請用樂表凡再上詔終不許至是年十月賜宴乃用樂顯恭皇后喪制省記得係用章穆皇后禮例今來大行皇后之喪除已詔天下禁樂三日外所有朝廷用樂月日欲望除祭天地宗廟社稷用雅樂不禁外其行在樂乞候祔廟禮畢日舉用蓋自古禮經所不載者皆以故事參酌其宜按景德群臣表奏以既安神寢爰祔閤宮為言今來亦欲遵用章穆皇后故事舉樂於祔廟之後其間月日久近雖稍不同而皆在祔廟既畢之後於禮無嫌詔依

十三年四月十一日禮部太常寺言已降指揮四月二十六日懿節皇后徽凡筵欲乞是日并前一日禁在城

音樂仍乞二十六日百司作休務假一日詔依

不停祭祀

紹興十二年四月二十六日權禮部侍郎施垌等言近討論大行皇后合行典禮內停宗廟祭及中小祀係用孝明皇后章穆皇后故事竊詳二后之喪所以止停宗廟祭及中小祀者蓋是引用禮經唯祭天地社稷為越紼而行事之文謹按禮經越紼行事蓋為三年之喪七月未葬之時故上文云喪三年不祭經傳凡稱三年之喪者皆為父母之喪儀禮曰為妻之服期檀弓說魯哀父有為妻齊衰之文今以齊衰期喪而引用三年之喪禮殊失先儒不以卑廢尊之義竊恐難以遵用况祭祀不行乃國之大事臣子所不敢忽今來大行皇后之喪

未祔廟以前所有宗廟祭及中小祀欲望特不停罷非
惟有合禮經且使舛繆之典釐正於聖朝庶幾後世無
得而議詔依先是四月十八日禮部太常寺奏參照
故事合停宋廟并中小祀故有是命

釋服

紹興十二年五月五日禮部太常寺言五月九日大行
皇后釋服日依禮例皇帝詣几筵前行祭奠之禮今參
酌成服祭奠禮例條具到事件 一合用御封降真香
一合祝文一首述以為大行皇后釋服行祭禮禮之意
一釋服日欲乞依禮例皇帝自內服朝服詣几筵殿
御陞俟太常卿奏請訖權易忌日之服俟行禮畢歸陞
易吉服還內 一應行事執事倍位官赴几筵殿依禮
例並合權易黑帶去金玉飾
并魚袋 依禮畢仍舊吉帶 一行

禮日依禮例文武百僚倍位立班及合用幕次等下臨
安府儀鸞司排辦是日百司作休務假一日 一俟釋
服訖其期服令太史局剋擇官指引利方焚燒合差監
視訖燎官一員下入內侍省差所有合用柴草乞從
都大主管所下諸司排辦亦令諸司報皇城司放入詔
依

釋服祭奠儀

其日俟皇帝自內服期服詣几筵殿側御陞簾降即座
禮直官太常博士太常卿詣御陞前立定次禮直官太
常博士引太常卿當陞前俛伏跪奏稱太常卿臣某言
請皇帝為大行皇后釋服行祭奠之禮奏訖伏興退復
位立俟皇帝釋期服易忌日之服訖御史臺太常寺閣

門分引文武百僚權易黑帶詣几筵殿門之內外隨地之宜立班定禮直官先引讀祝文官升殿詣几筵前香案之西東向立閤門報班齊在位官皆再拜訖簾捲禮直官太常博士太常卿前導皇帝出幄由側階詣大行皇后几筵香案前奏請上香再上香三上香內侍進茶酒又奏請酌茶奠酒再奠酒三奠酒奏請少立請祝文官指笏東向跪讀祝文訖執笏興退奏請皇帝舉哭在位官皆舉哭俟哭止又奏請皇帝致欽不拜前導官前導皇帝在位官皆再拜訖俟皇帝歸幄次文武百僚前導官退皇帝就幄易吉服還內次文武百僚易吉帶詣常御殿門外進名奉慰訖退

宋會要四月二十四日禮部太常寺言大行皇后上僊已降指揮以日易月十三日而釋服今討論於釋服內作進崇道場自發哀日每日齊僧道三七人

作道場至第五日作首七每日作一七至第十日作六七合終次日作百日又次日作周期小祥初三日作水陸齋首七作黃籙齋二七作大會以後逐次水陸黃籙齋相間排設令都大主管所依此排辦詔依

御殿

紹興十二年四月十八日權禮部侍郎施垗等言檢會章穆皇后故事群臣釋服後皇帝便殿視事皇帝釋服後前殿視事所有將來群臣釋服後皇帝便殿視事係在未釋服之內緣於故事即不該載便殿視事所服又緣群臣已釋服今參酌欲乞群臣釋服後皇帝便殿視事權易忌日之服俟皇帝釋服後服常服前殿視事詔依奉迎

紹興十二年四月十八日禮部太常寺言已降指揮於皇城側近權設龍德宮安奉徽宗皇帝顯肅皇后梓宮

將來扈從到大行皇后梓宮欲依禮附於姑之下顯肅

皇后梓宮之次以西為上於禮為順詔依宋會要四月

五月六日權禮部侍郎施垌等言迎護徽宗皇帝顯肅

大主管官已差知宗士套提舉應奉排辦一行事務差

兩浙轉運副使黃敦書所有今來大行皇后梓宮過界

欲乞就差前項官迎護到行在詔依

十日權禮部侍郎施垌等言竊詳孝明皇后章穆皇后

喪禮發引遣奠百官皆服初喪之服所以必服初喪之

服者以雖在三日釋服之外而猶在周期之內也今大

行皇后梓宮將來到行在安奉至發引亦皆在釋服之

外周期之內百官雖合依二后禮例並服初喪之服而

其勢有不得行者大行皇后梓宮之歸及將來發引係

與徽宗皇帝顯肅皇后行列相次并將來奉安係附於

顯肅皇后之側止降指揮百官見徽宗皇帝顯肅皇后

梓宮依禮見柩服總麻服一總一衰方迎奉之初既不

能並服於一時之間及奉安之後亦不能遽易於一殿

禮祔葬者不至宅蓋皆言既用祔禮則以所祔者為主也今大行皇后迎奉至發引在禮既有早者當已之文於義又有所祔為主之說雖遵依二后喪制並服初喪齊衰非惟勢有不可而於禮亦所未安有司定議將來大行皇后梓宮迎奉發引等百官只用總麻之服詔依

十四日禮部太常寺言迎護梓宮過界令迎護梓宮禮儀使於界首前一日宿齋次日行禮所有今來奉迎大行皇后梓宮亦合降香祝令禮儀使一就行禮內祝文乞下學士院修撰書寫述以皇帝遣使奉迎之意并合用香令入內侍省請降付寺一就齋降前去詔依

中興禮書第二百七十八卷

凶禮四十三

懿節皇后

奉謚冊寶

紹興十二年五月十八日吏部言權禮部侍郎施垌等劄子檢會國朝園陵故事尚書省集官擬謚係令侍從臺諫以上并禮官集謚六曹郎官以上書謚所有今來大行皇后集謚欲依上件故事施行奉聖旨依本部集工部尚書莫將等赴都堂議大行皇后謚議曰尊雖有厭而禮緣儷極之隆道本無成而義著飾終之實眇觀古始貽則方來蓋所以竭茂範於椒塗而騰遺芳於彤管者也恭惟大行皇后挺生華胄作合潛闡恭儉仁慈

初不煩於保訓艱難契闊每容跂於母儀行將承式於六宮遽乃纏悲於四海昔光烈方漢紹基中夏也適當建武以來歸然元欽在晉正位長秋也僅致太興之追冊莫如上聖之篤舊亟敷大號於維新特安樂之靡同仰哀榮之備盡自非秉全懿而迪德之奧屬正節而率履之常則何以軼前聞而侈後祉歟謹按謚法柔克有光曰懿能固所守曰節予以合時衆美參協徽稱僉以謂宜敢詔萬世請上大行皇后謚曰懿節皇后謹議

二十三日禮部太常寺言今月十二日集官議大行皇后謚號依故例合降勅差撰謚議官一員撰議冊文官一員書謚冊文官一員篆謚寶文官一員詔撰謚冊文官參知政事王次翁書謚冊文兼篆謚寶文官差簽書

樞密院事何鑄撰謚議官差給事中兼直學士院程克俊 二十八日給事中程克俊上大行皇后謚議曰臣聞坤元持載雖石轉而罔怠於承天月曜著明雖西徂而不忘於遡日是知心存儷極者靡契潤之間禮厚飾終者隆節惠之文爰謹易名以詔來裔共惟大行皇后祥開玉勝異表菖花賦柔明婉嫕之恣蘊慈惠溫恭之德蚤嬪朱邸播華族之芳徽宜踐青規正長秋之顯號觀其動中環珮謹箴圖也服勤蘋藻共祭祀也身衣大練敦節儉也志在進賢毋險詖也天方悔禍將還御於中宮命乃不融來訃音於北道點黎實涕黃屋興嗟念永閔於鞠衣迺特書於彤管謹按謚法柔克有光曰懿能固所守曰節大行皇后孝養著于艱難遐邇化乎婦

順茲不曰懿乎處儉而不失其正造次而不違乎仁慈
不曰節乎伏請上謚號曰懿節皇后謹議

六月三日參知政事王次翁上懿節皇后謚冊文皇帝
若曰內外正者天地之大義教化明者風俗之大原其
生也榮必嚴名號以崇之其死也哀必顯聲稱以褒之
斯萬世不易之禮而百王共守之規雖在艱難敢違典
故大行皇后邢氏溫良之性謹淑之姿誕降華宗作嬪
朱邸有葛覃之恭儉有卷耳之憂勤有關雎進賢之心
有兔置好德之化洽之陽涓之渙顯為閭閻之光浴之
沚澗之瀕虔恭祭祀之職固可以母儀四海而歸承九
祧矣禴狄未施翟車從狩髣髴玉衣之瑞注想平生契
闈金屋之恩未諧素志載惟菲德嗣守丕基雖漢宣求

劍之情每懷舊念然周雅造舟之詠尚阻新儀此所以
寤寐展轉望吾良佐而不能忘也茲者大邦修好和議
告成庶迎馳馭之還安饗椒房之奉主張陰教似續徽
音如塗山如瀉汭如嫫如姁如娥如羊於以厚人倫於
以固邦本以示天地之大義以恢風俗之大原豈特耀
一時而榮九嬪哉天固難謀事靡前料彫面驚總方俟
南歸疏壁駟圭遽驚北訃聞問失措茹痛何言朕孝於
事親欲同侍慈寧之溫清爾超然遺世乃遽追顯肅之
德遊象服具存音容永閔六宮子慕難忘逮下之仁四
德星昭四後飾終之典今追太傅秦檜冊謚日懿節皇
后精爽不昧朕蠻可憑風閉長秋猶想當時之輔佐芳
流彤管永貽奕世之光華嗚乎哀哉詔付書冊文官

宋會

要讀寶兵部侍郎程瑀讀冊給事中程克俊舉冊太常少卿王賞祠部員外郎段拂舉寶吏部員外郎江少齊

權禮部員外郎程敦厚

四日禮部太常寺言大行皇后謚號已降勅下今參酌申請事件下項 一今來應行移等依體例候奉上謚號冊寶了日合稱懿節皇后 一修製寶文今欲以懿節皇后之寶六字為文詔依

十六日禮部太常寺言將來奉上大行皇后謚號冊寶告廟畢次日請几筵前行奉上之禮今參酌合行事件下項 一奉上謚冊寶日依禮例皇帝前後殿不視事是日百司作休務假一日 一將來奉上謚冊寶禮畢依禮例文武百僚詣常御殿門進名奉慰 一依禮例合前二日奏告天地宗廟社稷宮觀 一合用御封降

真香一合 一於几筵殿行禮其太傅以下行事官文武百僚並常服黑帶權去金王飾立班兼殿門内外地步隘窄今欲乞冊寶權置位并行事官於殿下立班陪位百僚隨地趨那若值雨濕潤除行事太傅以下并權置冊寶位並於几筵臨東廊隨宜升降東側階 一奉上謚冊寶禮畢其冊寶并沿冊寶法物依禮例於几筵殿安奉欲乞令本殿官交割收掌詔依

十七日禮部太常寺言將來修製大行皇后謚號冊寶了日奉冊寶告於太廟合行事件 一將來告廟行禮日依禮例皇帝前後殿不視事是日百司作休務假一日 一合用御封降真香一十一合白幣一十一段祝文一十一首並述以大行皇后謚冊寶告廟之意 一

告廟合差奉禮郎太祝太官令各一員乞降勅差太常寺一將來自內降出謚冊寶告廟係於南神門外設冊寶幄告廟畢次日詣几筵前奉上冊寶合於几筵殿門外設冊寶幄安奉其奉冊寶太傅以下後從冊寶至逐處安奉訖并捧冊寶職掌等並合於冊寶幄之側宿衛所有逐處幄次令儀鸞司臨安府排辦一乞令入內內侍省專差內侍二員掌管進送謚冊寶訖降出令文思院於告廟前一日奉謚冊寶計會所差內侍進呈降出詣常御殿門外交付禮部以俟援衛一告廟每位合用酒脯鹿鷄茅蠟燭上香炭等下臨安府排辦一合差宮闈令四員與本廟官同共遷納下入內侍省差一奉冊寶告太廟其太傅并讀冊寶官舉冊寶

官奉禮郎太祝太官令並服祭服外應陪位文武百僚并宮闈令並服常服吉帶立班若雨降濕潤於東神門上隨宜立班詔依

十八日禮部太常寺言將來奉上大行皇帝謚冊寶告廟并次日詣几筵前奉上稱太傅一員依禮例差宰臣乞降勅差官詔依

同日權禮部侍郎施垌等言據太史局選到奉冊寶告廟日用六月二十七日戊子吉次日詣几筵殿奉上冊寶行禮緣同日欽慈皇后忌辰欲乞是日百僚先行奏訖次詣几筵殿奉上冊寶立班詔依

十九日禮部太常寺言將來奉上大行皇帝謚冊寶前一日告廟并次日詣几筵前行奉上之禮合差讀冊寶官

一員讀冊官一員乞降勅差侍從舉冊官二員舉寶官一員乞降勅差太常少卿禮祠部郎官詔依

二十日禮部太常寺言奉上大行皇后謚冊寶依禮例

合前二日奏告天地宗廟社稷宮觀今具差官并合行

事件下項 一奏告天地合差奏告官一員依例降勅

差宰執宗廟合差奏告官一員依例降勅差南班宗室

太社太稷天慶觀報恩光孝觀合差奏告官三員乞降

勅差侍從 一合用御封降真香一十九合祝文一十

五首內天慶觀報恩光孝觀合用青詞二通並述以奉

后謚號冊寶前幣一十九段 一蒼五黃一白 一奏告天

期奏告之意地社稷合用神位版并鋪設學生下太史局差辦 一

逐處各合差奉禮郎太祝太官令各一員內太祝差文 臣有出身人

充並前一日赴祠所致齋欲乞輪差太常寺官外餘申

吏部差官 一奏告逐處合用酒脯鹿鷄蠟燭鵝梨法

醬香爐匙合縮酒茅燎草等並下臨安府排辦詔依

奉謚冊寶告廟儀

其日有司守行宮門奉謚冊寶進呈訖降出其告廟行

事官奉禮郎太祝太官宮闈令徑赴太廟奉安所幕次

宿齋奉冊寶太傅讀冊寶官舉冊寶官並服常服并贊

引人捧冊寶職掌援衛人等並守行宮門入詣常御殿

門外幕次俟謚冊寶降出至常御殿門上置定太傅以

下立班迎拜訖權退側身立候有司奉謚冊寶進行太

傅以下後從至宮門外並乘馬從至太廟奉安所門外

下馬從謚冊寶至廟南神門外嚙次安奉訖太傅以下

退歸幕次宿齋

廟前一日之事

告廟日俟開太廟奉安

所門訖應陪位官各入就位行事官服祭服陪位官服常服吉帶俟有司排辦酒脯禮料畢備奉冊寶詣殿下西階之西東向權置位冊北寶南次祠祭官引宮闈令詣殿下褥位北向再拜訖升殿就位立定次御史臺太常寺閤門分引文武百僚入就位就地之宜次引奉禮郎太祝太官令詣陪位班之前褥位北向立次引讀冊寶官詣冊寶案之後褥位立次引舉冊寶官詣讀冊寶官之後褥位立次禮直官引太傅詣殿下東階之東褥位西向立定祠祭官贊奉神主訖禮直官贊太傅躬拜贊者曰拜在位官皆再拜訖先引奉禮郎太祝太官令升殿各就位立定次引

太傅詣盥洗位北向搢笏盥手帨手執笏詣爵洗位北向搢笏洗爵拭爵執笏升殿詣僖祖室香案前搢笏上香再上香三上香跪奉禮郎西向搢笏跪奉幣太傅授幣奠之奉禮郎執笏與先詣次室西向立太傅執爵三祭酒于茅苴奠爵執笏伏興請少立次太祝東向搢笏跪讀祝文讀訖執笏興先詣次室東向立太傅再拜訖次詣翼祖室次詣宣祖室次詣太祖室次詣太宗室次詣真宗室次詣仁宗室次詣英宗室次詣神宗室次詣哲宗室次詣徽宗室行禮並如上儀訖奉禮郎太祝太官令各復位立次引太傅降復位少立頃禮直官引太傅詣冊權置位立次引舉冊官詣冊案搢笏舉冊匣應奉冊寶禮部次職掌先捧冊案升殿請殿上當中置職掌皆助舉

於褥位訖次太傅指笏捧冊升殿至褥位北向跪奠冊於案上舉冊官奠冊訖執笏興少立次太傅執笏興少退於褥位立次引讀冊官詣冊案後北向立舉冊官指笏跪舉冊讀冊官指笏跪讀冊訖執笏興降階復位立舉冊官奠冊訖執笏興少立次太傅執笏興少退於褥位立次引讀寶官詣寶案後北向立舉寶官指笏跪舉寶讀官階指笏跪讀寶訖執笏興降階復位立舉寶官

奠寶舉寶盥興職掌先捧案降階置於褥位舉寶官舉寶盥降階太傅後從置于權置位舉寶官執笏退復位立太傅復位立定祠祭官贊奉神主入室宮闈令奉諸帝后神主入室訖祠祭官贊奉神主入室訖次引太傅行事官奉禮郎太祝太官令俱詣望座位北向立定禮直官曰可痊俟有司痊幣訖太傅已下班退文武百僚以次退俟太傅以下歸次換常服詣冊寶幄有司捧冊寶進行太傅以下後從出太廟門並乘馬從至几筵殿門外冊寶幄權安奉訖太傅并奉上冊寶官祇應人並於冊寶幄之側宿衛

凡筵前奉上冊寶儀

其日俟開行宮門陪位文武百僚入詣幕次應行事陪

位官並權易黑帶俟有司排辦畢備奉冊寶職掌奉冊
寶詣几筵殿下之西東向褥位權置定冊北寶南次御
史臺太史寺閣門分別文武百僚詣几筵殿隨地之宜
立定次引讀冊寶官詣冊寶之後褥位立次引舉冊寶
官於讀冊寶官之後褥位立次禮直官引太傅詣殿下
褥位西向立定禮直官贊太傅躬拜贊者曰拜在位官
皆再拜訖次引太傅升殿詣太行皇后几筵香案前指
芻上香再上香三上香跪一酌茶三奠酒執芻俛伏興
再拜訖降階復位少立次引太傅詣殿下褥位北向俛
伏跪奏稱太傅臣某言奉詔奉上太行皇后謚號冊寶
奏訖俛伏興次詣冊權置位立次引舉冊官詣冊案指
芻舉冊匣興凡舉冊寶皆禮部職掌助舉次職掌先捧冊案升殿詣

殿上香案前置於褥位北向次太傅指芻捧冊升殿至
褥位北向跪奠冊於案上舉冊官執芻興少立次太傅
執芻興少退於褥位立次引讀冊官詣冊案後北向立
舉冊官指芻跪舉冊讀冊官指芻跪讀冊訖執芻興降
階復位立舉冊官奠冊舉冊匣興職掌先捧冊案於殿
上稍東褥位置定舉冊官舉冊匣跪置於案上舉冊官
執芻興降階復位立次引太傅降階詣寶權置位立次
引舉寶官詣寶案指芻舉寶蓋興職掌先捧寶案升詣
殿上香案並置於褥位北向次太傅指芻捧寶升殿至
褥位北向跪奠寶於案上舉寶官執芻興少立次太傅
執芻興少退於褥位立次引讀寶官詣寶案後北向立
舉寶官指芻跪舉寶讀寶官指芻跪讀寶訖執芻興降

隋復位立舉寶官真寶舉寶孟興執掌先捧寶案於殿上稍東褥位置定舉寶官舉寶孟跪置於案上舉寶官執笏興降階復位立次引大傅降階復位西向立定禮直官贊太傅躬拜贊者曰拜在位官皆再拜訖以次退詣幕次易吉帶詣常御殿門外立班進名奉慰訖退

虞祭

紹興十二年六月十六日權禮部侍郎施垌等言今檢會孝章皇后元德皇后故事虞主還京宰臣文武百官班迎於順天門外虞祭於燕國公主第所有今來大行皇后理重立虞今參酌比附上件禮例令太史局就城外擇利方寺院埋重立虞行第一虞祭畢次迎虞主入城詣大行皇后宅宰執率百官詣宅門外再拜奉迎退

次有司行九虞祭畢迎奉神主祔廟詔依

十八日權禮部侍郎施垌等言今來大行皇后祔廟欲於七月以後擇日埋重立虞尋關太史局選定迎重并埋重立虞並宜用七月三日甲午吉迎重時宜用其日乙時埋重立虞時宜用其日丁時所有利方宜於城外東北艮位歲中喜神之方於長明寺埋重立虞並吉詔依

十九日禮部太常寺言大行皇后擇日埋重立虞今參酌合行事件下項 一行九虞祭饗官依故事係太常卿行禮今欲乞降勅差本寺少卿 一九虞祭合差奉禮郎太禮太官令各一員乞依例輪差太常寺官 一今來別廟行饗禮及九虞祭合用御封降真香乞令具

合用數報入內侍省請降 一行饗禮合用祝文一

首奉送以大行皇后詣別廟太常卿行九虞祭合用祝文

九首並送以行九虞祭之意一行饗禮并九虞祭合用白幣一十

段 一合用禮料并行事官幕次等並依常饗禮例報

臨安府排辦合用牲牢亦具數報臨安府收買送牛羊

司詔依

二十一日禮部太常寺言今參酌條具到埋重虞主回

合行事件 一迎重日并虞主回日依禮例皇帝不視

事 一迎重并虞主回大行皇后宅合差威儀僧道各

一百人乞下臨安府差其儀衛軍官親從官并執打從

物織扇等並令都大主管所下所屬量人數差 一迎

重時前合差太常卿一員燒香乞令本寺少卿充詔依

二十三日禮部太常寺言今參酌條具到合行事件

一今來迎重日并虞主回日合用御封降真香二合

一迎重日合用綵結殿一座及埋重立虞幄次等大行

皇后宅合設虞主幄次並乞下儀鸞司同臨安府前期

結縛釘設 一迎重日俟宰執率文武百僚燒香畢迎

重時將至太常卿詣重前燒香次几筵殿幹辦官率工

匠開墪剋擇官抗重捧升綵結殿其工匠報修內司差

一七月三日於几筵殿迎重於長明寺內幄次俟時

至埋重立虞次行三虞祭畢迎虞主入城委是日晚百

官難以奉迎今欲乞於七月四日自長明寺行第四虞

祭畢迎虞主入城百官並詣大行皇后宅奉迎虞主畢

次詣常御殿門外奉慰 一迎重立虞日合差內侍官

一員幹辦及晝夜守宿照管遇行禮捧遷乞下入內侍
省差仍乞下皇城司差親事官一十二人節級人員各
一名守宿分番祇應 一迎重奏請神靈上虞主時刻
及祔廟時刻並指引埋重利方合差定時尅擇官一名
下太史局差 一今來虞主回日依禮例太常卿行安
神之禮今欲乞令本寺少卿充合用御封降真香一合
詔依

同日禮部太常寺言大行皇后擇日埋重立虞行九虞
祭畢迎神主祔廟依禮經既葬而虞虞而卒哭卒哭而
祔今乞於大行皇后神主祔廟前依禮例先行卒哭之
祭次行祔廟之禮今參酌條具到合行事件 一卒哭
合差行禮官一員乞降勅差南班宗室於祔廟前詣几

筵前行卒哭之祭

一卒哭祭行禮日皇帝不視事俟

几筵殿行禮畢文武百僚詣常御門門外進名奉慰訖

退

一合用御封降真香一合祝文一首

送以為大行皇后神主祔

廟前遣官行卒哭祭之意

白幣一段

一合用牲牢禮料并行事官

等致齋幕次令臨安府排辦 一合差奉禮郎太祝太

官各一員乞輪差太常寺官 一行禮日合用香爐匙

合上香炭燈燭燎草等並於都大主管官指揮所屬排

辦內燎草令主管諸司報皇城司放入其幣帛祝文依

故例交割付几筵殿官一面焚燒詔依

二十八日禮部太常寺言七月三日迎大行皇后重詣

長明寺埋重立虞四日虞主回赴大行皇后宅文武百

僚詣宅門外上香迎拜竊慮不測雨降濕潤難以迎拜

欲乞至日止就幕次執笏立班首上香俟虞主過班退
詔依

七月二日禮部太常寺言榮州防禦使邢孝揚奏今來
懿節皇后就城外寺院行第四虞祭畢迎詣懿節皇后
宅有司行虞祭俟九虞祭畢迎神主祔廟欲望許臣立
班陪位詔令禮部太常寺討論申尚書省今討論虞祭
既在本家行禮其邢孝揚於禮合赴陪位詔依

同日禮部太常寺言七月三日迎懿節皇后重詣長明
寺俟時埋重立虞是日皇帝先詣懿節皇后几筵前燒
香如常日燒香之儀畢還內詔依

太常卿行九虞祭儀

有司排設牲牢禮饌訖行事官各服常服黑帶贊者引

奉禮郎太祝太官令詣虞主幄前北向立禮直官引太
常卿詣幄前西向立禮直官贊躬拜太常卿拜在位官
皆再拜訖次引奉禮郎以下升就位立引太常卿詣盥
洗位搯笏盥手脫手執笏詣爵洗位搯笏洗爵拭爵執
笏升詣酒樽所搯笏跪執爵俟太官令酌酒訖執笏興
引太常卿詣大行皇后虞主前搯笏跪上香再上香三
上香受幣奠幣執爵三祭酒奠爵執笏俛伏興請少立
俟太祝讀祝文訖請再拜訖引降階復位禮直官贊躬
拜太常卿拜在位官皆再拜訖引詣望座位南向立奉
禮郎以下重行俟焚瘞祝幣訖班退

中興禮書第二百七十九卷

凶禮四十四

懿節皇后

祔廟

松按祔廟及祔廟儀永樂大典卷七千三百七十六及二萬七千六十三凡兩載

紹興十二年五月六日權禮部侍郎施垌言勘會近討論大行皇后依故事釋服後至祔廟前遇朔望不視事百僚進名奉慰至祔廟畢仍舊契勘國朝園陵故事發引掩皇堂埋重畢立虞行九虞祭畢擇日神主祔廟并檢照孝明皇后故事乾德元年十二月七日崩次年三月二十八日發引四月九日掩皇堂章穆皇后故事景德四年四月十五日崩六月八日發引二十一日掩皇堂各係兩月餘日所有今來大行皇后祔廟欲參酌二

后之喪於今年七月以後擇日埋重立虞行九虞祭畢
迎神主祔廟庶幾有合禮經卒哭祔廟之意非惟神靈
早獲安安以饗祠奉亦不至久妨朔望視事兼比之孝
明章穆祔廟月日適為得中竊謂允當詔依

六月十八日權禮部侍郎施垌等言已降指揮今來大
行皇后祔廟合用日辰尋關太史局選定宜用七月六
日丁酉時宜用當日乙時並吉詔依

十九日禮部太常寺言今參酌條具到合行事件一
契勘几筵殿收奉大行皇后謚冊寶俟將來神主祔廟
依禮例合於虞主前陳列至太廟今欲乞令几筵殿官
於祔廟前一日管押赴權安奉虞主處至日隨從至太
廟交割收管所有合差職掌援衛下禮部量人數差

一祔廟日於虞主前奏請神靈上神主訖其虞主依故
事合於本室後瘞埋今來別廟係行在權行奉安兼昨
顯肅皇后虞主見在本廟權行收奉今欲乞於本廟兩
寶殿權收奉俟將來迎太廟別廟回京日依故事施行
一今來祔饗太廟并別廟行饗禮依故事行事官服祭
陪位官服常服所有合用幕次什物等乞下儀鸞司同
臨安府排辦若至日雨降濕潤其太廟行事官於東神
門上宰執使相於南神門上立班所有別廟行事官於
過廊上立班及乞令御史臺閤門相度申請一行事
執事官合前十日受誓戒於尚書省內除三獻官依禮
例申請降勅差官外其餘行執事官乞依禮例申關所
屬差官一祔廟前二日依禮例奏告天地宗廟社稷

宮觀今欲乞依自來奏告禮例關報所屬排辦施行

一合用御封降真香乞開具合用數報入內侍省取

降一合用祝文一十二首並送以內侍省合用白

幣一十二段一合用禮料并行事官等致齋幕次什

物應合排辦事件並乞依常饗禮例牒報所屬排詔依

二十一日禮部太常寺言今參酌條具到合行事件

今今來神主祔廟前一日并祔廟日依禮例皇帝不視

事俟祔廟禮畢文武百僚詣常御殿門外進名奉慰百

司各作休務假一日一埋重立虞主并神主祔廟合

差禮儀使一員依禮例差宰臣都大主管官一員係差

入內侍省官題神主官一員係差翰林學士並乞降

勅差官宋會要五月二十一日詔禮儀使差尚左僕射

秦檜都大主管差入內侍省押班衛茂實題虞

主差給事中兼直學士院程克俊餘並依一合修製虞主神主并跌座青

羅巾並浴斛題神主筆墨硯瓦及行障沿寶法物等并

行祔饗禮藉神主紫絹褥一箇並乞下工部指揮文思

院修製內虞主計會太常寺權行收奉神主於太廟奉

安所權行收奉以俟祔廟書題詔依

二十三日禮部太常寺言將來大行皇后神主祔廟日

先行祔謁太廟之禮至日俟題大行皇后神主畢依禮

合於神宗室東壁西向祔祖姑之下緣即今太廟殿室

比之在京窄狹安實難以於神宗室前設位今參酌欲

權宜趨那於室之東夾室前稍南西向設大行皇后神

主所貴鋪設祭器行禮並無妨礙詔依

二十四日禮部太常寺言今參酌條具到合行事件

一今來虞主回日并神主祔廟日依禮例迎奉虞主升
厭翟車用儀仗導引緣今來儀仗未備依禮例止用常
日儀衛執打從物等導引所有厭翟車乞令都大主管
官報所屬關借昨已造大行皇后擔子充代用輦官擎
捧一合差威儀僧道各一百人下臨安府差其儀衛
輦官親從官并合用執打從物繖扇等並令都大主管
官指揮所屬量人數差內繖扇從物等關借見今几筵
殿繖扇從物等供使一今來立虞主并神主祔廟合
差扶持夾侍內謁者內常侍等官具合差員數報入內
侍省差詔依

二十七日禮部太常寺言已降指揮用七月六日大行
皇后神主祔廟依禮例合前二日奏告天地合差奏告

官一員乞降勅差宰執宗廟合差奏告官一員乞降勅
差南班宗室太社太稷天慶觀報恩光孝觀各合差奏
告官一員並乞降勅差侍從詔依

七月一日祔廟都大主管所言契勘今來懿節皇后埋
重立虞及神主祔廟窠差儀衛下項迎重日合服本色
服係用皂或黃帶子立虞并神主祔廟日並合服吉服
衣帶其合用衣帶骨朵等令所屬排辦儀衛六百一十
八人前引四十八人殿前指揮使三十二人快行親從
一十六人中道編排禁衛行子一十人禁衛子三重第
一重崇政殿親從一百三十人第二重御龍直長行人
員一百四十人第三重親兵使臣人員一百五十八人內
殿直散員散指揮散都頭散祗候金鎗銀鎗散直輦官

一百六十四人僧道各一百人詔依五日閤門言契勘今月六日懿節皇后虞主祔廟畢所有七日依例合作歇泊假詔依

神主祔廟儀

祔饗前一日其日祔饗并別廟行事執事官並服常服赴太廟奉安所齋坊幕次俟行事執事官齊足詣初獻廳下對揖訖升階收笏就坐點湯畢禮直官贊者分行事習讀祝文訖收笏就坐點湯畢禮直官贊者分行事執事官詣東神門外省牲位立定禮直官贊揖訖次引監察御史升殿詣諸室前北向視滌濯執事者皆舉幕曰潔降復位禮直官曰告潔畢請省牲次引太祝光祿丞巡牲訖退復位禮直官曰省牲畢請詣省饌位揖訖禮

直官贊者分行事執事官詣省饌畢揖訖退光祿丞大祝以次牽牲詣厨授太官令次引監察御史省鼎鑊視濯既訖退還齋所脯後太官令帥宰人以鸞刀割牲祝史以槃取毛血各置於饌所遂烹牲脯後宮闈令帥其屬掃除廟之内外訖還齋所

晨課

饗日有司奉迎虞主詣太廟南神門外禮儀使都大主管官後從至幄次權安奉訖禮儀使都大主管官權退歸幕次僧道先退禁衛更互排立宮闈令詣殿下再拜訖開室整拂神幄有司實設禮料大官令監視訖退次引光祿卿詣殿下褥位再拜訖升殿點閱畢次引監察御史升殿按視訖俱還齋所並服祭服祔饗時將至禮

直官引禮儀使詣神主幄前稍南北向立次禮直官引都大主管官詣禮儀使之東北向立少却次引內謁者入幄搢笏捧懿節皇后神主詣浴斛跪浴拭訖置於案執笏興退次引題神主官詣幄前盥洗位西向搢笏跪手悅手訖執笏入幄詣懿節皇后神主案前搢笏跪題神主訖執笏興退有司漆之次引內謁者詣神主案前搢笏捧神主置於腰輿以青羅巾覆之執笏退次引侍夾侍官捧腰輿官捧神主腰輿次虞主主腰輿訖次引禮儀使詣虞主前俛伏跪奏稱禮儀使具官臣某言請懿節皇后神靈上神主奏訖俛伏興退復位立俟題神主將畢先引薦香燈官入詣殿下北向再拜訖升殿次御史臺閣門太常寺分引宰執使相百僚入詣殿庭

分東西相向立北上禮直官贊者分別拊饗行事官詣東神門外揖位立定禮直官贊揖訖俱入就位立定祠祭官於殿上贊奉神主次引薦香燈官入室搢笏奉帝主啟匱於後以白羅中覆之執笏退歸執事位次引宮闈令奉后主如上儀以青羅中覆之執笏退歸執事位祠祭官於殿上贊奉神主訖俟太史局報時及禮直官引內常侍詣懿節皇后神主幄前西向俛伏跪奏稱攝內常侍臣某言請懿節皇后神主進行奏訖俛伏興次詣神主腰輿前取中以匱覆訖次贊者引扶持侍夾侍捧腰輿內侍詣幄捧腰輿進行內常侍前導禮直官引禮儀使都大主管官後從入南神正門詣泰階下北向禁衛退御史臺閣門太常寺分引宰執使相文武百僚合班北向立定次

引內常侍詣殿下褥位東向俛伏跪奏稱攝內常侍臣某言請懿節皇后神主少駐伏興少退立禮直官引都大主管官先退次禮直官引禮儀使升自泰階詣殿上當中褥位北向俛伏跪奏稱禮儀使具官臣某言請懿節皇后神主俯謁奏訖伏興退歸本班次引宮闈令詣殿下神主腰輿前指笏捧神主升自泰階詣殿上當中褥位北向權設于座訖捧腰輿內侍捧腰輿并扶持夾侍官權退宮闈令啟懿節皇后神置設于以青羅巾覆之宮闈令執笏興少立俟俯謁訖宮闈令再指笏跪捧懿節皇后神主興詣褥位置于座執事者捧神置設于座後宮闈令執笏退歸執事位禮直官贊有司謹具請行事贊者曰拜在位官皆再拜訖次引監察御史奉禮

郎太祝太官令各升殿就位立定次禮直官引初獻詣盥洗位北向立指笏盥手悅手執笏詣爵洗位北向立指笏洗瓚拭瓚訖以瓚授執事者執笏升殿詣僖祖室尊彝所西向立執事者以瓚授初獻初獻指笏跪執瓚執彝者舉罍太官令指笏跪酌鬱鬯訖執笏興先詣翼祖室尊彝所北向立初獻以瓚授執事者初獻執笏興詣僖祖室北向立指笏跪次奉禮郎指笏西向跪執事者以瓚授奉禮郎奉禮郎奉瓚授初獻初獻執瓚以鬯裸地奠瓚次執事者以幣授奉禮郎奉禮郎奉幣以授初獻訖執笏興先詣翼祖室前西向立初獻受幣奠訖執笏俛伏興再拜訖次詣翼祖室次詣宣祖室次詣太祖室次詣太宗室次詣真宗室次詣仁宗室次詣英宗

室次詣神宗室次詣哲宗室次詣徽宗室次詣懿宗室次詣懿節皇
后神主前裸鬯奠幣並如上儀訖俱復位興安之樂作
九成止既晨裸薦香燈官取毛血奠於神座前太官
令取肝以鸞刀制之洗於鬱鬯貫之以骨燎于爐炭薦
香燈官以肝骨詔於神座又以墮祭三祭於茅苴退復
位懿節皇后神位前太祝行事宋會要九月九日羊宮
侍郎施坳等讀衣冊 冊文曰維紹興九年歲在己未
六月己酉朔二日庚戌懿節皇后崩于五國城旋殯于
龍德宮之西階粵以十二年十月庚申朔七日丙寅遷
柩于永固陵橫宮之次從變禮也畫翼宵嚴雕輜風駕
素月墮于長秋悲風回于廣廈皇帝緇懷儼極親御奠
楹備百禮以臨送望九京而啟行挽鐸淒涼嗚笳怨咽
晏命通聯式揚芳烈其詞曰青自姓周賜姓受社爵列
邢侯以國為氏奕煜漢唐聯聯魯衛祚啟前人慶鍾未
喬有美拜媛叶瑞莖花安凝娟親德茂柔嘉歲圖是則
服御無華天作之合王假有寵被綠先生朱邸二
女同風四妃繼美動中珩璜躬勤治厲節含章稱時
由禮歲丁協合霧塞宮闈嗟逢時之多故乃從狩于六

空飛禍機巨測天理難知掖庭之草兮自綠汾水之鴈兮
與悲乎素奈論兮精軒象之纏圓跡瑤池之會英攬禕衣
徒存羽蓋仙遊兮縹渺間卦來兮沙漢外嗚呼哀哉宸
襟感愴戚晚哀傷涕霽黎庶慟絕嬪嬙念死生之契濶
杏南北之相望屬寶鄰兮敦好飭轄御兮歸藏儀方來
以迎奠拱干官而肅將嗚呼哀哉肅然兮啟蕭蕭兮絳
兮惟漏鼓轟城闌而涉轉渺濤江而橫度風蕭蕭兮絳
桃翻露漫兮紅日暮卜吉壤于指山拊神靈于永罔
嗚呼哀哉涓辰庀事瘞玉理香集鬼群于銀海燎漆罔
於金缸徙北邙而惟嗟大夜之何長姑寓措于東越
哉

饋食

饗日有司設俎二十四于神厨各在鑊石進饌者詣厨
於鑊實羊載于俎長膾一短膾一皆一皆二皆一
豕載於俎其載如羊 執事者入設於饌幔內俟初
獻既晨裸捧俎官及執事者捧俎入詣西階下次

引兵部尚書工部尚書詣西階下各搢笏捧俎升殿
詣僖祖室前北向跪奠訖先薦羊次薦豕執笏俛伏
興有司設置於位前次詣諸室奉俎並如上儀俱降
階復位初奠俎訖次引薦香燈官取蕭合黍稷搗於
脂燎於爐炭當饋熟之時薦香燈官取道摶於醢祭
于豆間三又取黍稷肺祭如初俱藉以茅退復位次
引初獻再詣盥洗位正安之樂作初獻升降行止皆作正安之樂北
向立搢笏盥手悅手執笏詣爵洗位北向立搢笏洗
爵拭爵訖以爵授執事者執笏升殿詣僖祖室酌尊
所西向基命之樂作翼祖室大順之樂宣祖室天元大定之樂真宗室熙文之樂太祖室美成之樂太宗室治隆之樂神宗室大明之樂仁宗室重光之樂英宗室承元之樂徽節皇后故安之樂搢笏跪執事者以爵授初獻初

獻執爵執尊者舉冪太官令搢笏跪酌酒訖執笏興先
詣翼祖室酌尊所北向立初獻以爵授執事者執笏興
笏俛伏興少立次太祝東向搢笏跪讀祝文訖執笏興
先詣翼祖室東向立初獻再拜次詣諸室行禮並如上
儀訖俱復位立樂止次引亞獻詣盥洗位北向立搢笏
盥手悅手執笏詣爵洗位北向立搢笏洗爵拭爵訖以
爵授執事者執笏升殿詣僖祖室酌尊所西向立文安
之樂作執事者以爵授亞獻亞獻搢笏跪執爵執尊者
舉冪太官令搢笏跪酌酒訖執笏興先詣翼祖室酌尊
所北向立亞獻以爵授執事者執笏興詣僖祖室前北
向立搢笏跪執事者以爵授亞獻亞獻執爵三祭酒于

茅苴奠爵執笏俛伏興再拜訖次詣諸室行禮並如上
儀訖樂止降復位次引終獻詣洗及升殿作樂行禮並
如亞獻之儀降復位次引太祝徹豆豆各一俱
少移故處茶
安之樂作卒徹樂止次引宮闈令東茅訖俱復位禮直
官曰賜昨贊者曰賜昨再拜在位官皆再拜訖送神樂
作一成止祠祭官於殿上贊奉神主入室次引薦香燈
官指笏奉帝主入室執笏退復位次引宮闈令奉后主
入室並如上儀訖退復位初贊奉神主入室引內常侍
詣懿節皇后神主降殿乘輿赴
奏稱攝內常侍臣某言請懿節皇后神主降殿乘輿赴
別廟奏訖俛伏興宮闈令捧懿節皇后神主降殿乘輿赴
內常侍前導置於輿內常侍以下分左右前導捧輿興
由廟西階詣別廟殿下北向少駐內常侍詣腰興前俛
伏跪奏稱攝內常侍臣某言請懿節皇后神主降殿乘輿赴
殿奏訖俛伏興退次引宮闈令捧懿節皇后神主降殿
安奉訖內常侍以下次引都大主管官往來照管祠祭
再拜訖退歸幕次

官於殿上贊奉神主訖次引初獻以下詣殿下望瘞位
立定有司取幣束茅置於坎禮直官曰可瘞奠土半坎
本廟宮闈令監視次引初獻以下詣東神門外揖位立
定禮直官贊禮畢揖訖退御史臺太常寺閤門分引百
僚以次退太官令帥其屬徹禮饌次引監察御史詣殿
上復位監視收徹訖還齋所官闈令闔戶以降太常藏
祝版于匱次別廟行饗禮如常饗之儀訖退

几筵撤坐

紹興十三年三月二十四日提舉修內司王晉錫言准
除几筵都大主管所參酌比附昨顯肅皇后除几筵例
合預行修置火密埽殿子委修內司修製本司計料到
焚几筵埽殿子一座濶一丈二尺深二丈二尺前後簷

三尺舉折七尺通深三十二尺並使甍板瓦結庑裏明
閣八尺兩廂壁各闊七尺高八尺每壁各長一丈二尺
後壁火山子長八尺高一丈二尺合用鉄門一座高一
丈五尺闊八尺週回裏外並係紅灰泥飾所有修製窰
子方位去處下手吉日時刻乞下所屬選定詔依

二十七日除几筵都大主管所言踏逐修置焚几筵埽
窰殿子地步今來於皇城内別無地步詔於臨安府裏

外踏逐利方修製四月五日除几筵都大主管所言踏
逐到崇新門外長明寺內空地可以

修製取到禮直官尅擇官狀
于國音并典禮別無妨碍詔依

二十八日禮部太常寺言四月二十六日懿節皇后几
筵撤坐今參酌條具到事件 一欲乞是日皇帝服忌
日之服詣几筵行燒香之禮 一欲乞是日并前一日

前後殿不視事 一乞依禮例降勅差禮儀使一員係

差宰執 一依禮例前一日禮儀使詣几筵前早晚上

香至日時前行奏告之禮 一將來焚几筵時乞依禮

例百僚詣常御殿門外進名奉慰 一合用繳扇從物

等令所差禁衛計會本殿并御輦院排辦 一合差禁

衛等乞從都大主管所相度差撥前一日絕早赴本殿

更互排立祇應 一欲乞於撤几筵日行在禁屠宰并

停決大辟一日 一殿內外遇夜合設釋盆燈燭乞從

都大主管所指揮所屬排辦差人照顧 一合用焚几

筵檐子并檯擎輦官裝着儀
注全下御輦院差及計會几筵

殿排辦詔依

四月十四日除几筵都大主管所言契勘昨懿節皇后

神主祔廟當時差過儀衛軍官僧道翰林司共九百九十二人所有今來懿節皇后除几筵欲乞依祔廟已窠差儀衛等內諸班直親從等合服紫衫黃子鞞官合服緋紫衫黃帶子詔依

十七日禮部太常寺言已降指揮懿節皇后几筵撤坐

是日皇帝詣几筵前行燒香之禮今參酌條具到合行

事件一合於几筵殿側設御幄施簾合用黃羅拜褥

及請降御封降真香祝文

述以懿節皇后几筵撤坐皇帝行燒香之意

及排

設供養牙盤食茶酒果并燎草蠟燭香爐匙合等并差

侍香捲簾供進茶酒捧祝版執燭等內侍官並乞依例

報所屬排辦差官施行一依禮例本家親屬陪位立

班乞依例令懿節皇后宅親屬並前一日致齋至日陪位

立班詔依

同日禮部太常寺言今續次參酌條具合行事件一

勘會將來几筵撤坐前一日依禮例群臣詣几筵殿酌

今欲乞於四月二十五日文武百僚詣几筵殿奠酌

一群臣入奠所有合用香并上香炭火香爐匙合等乞

依例令几筵殿排辦具合用牙盤食茶酒果乞從都大

主管所行下諸司排辦一合差僧道乞依禮例並一

日絕早赴本殿更互下臨安府僧道正司差其合破齋

食乞令支本府官錢指揮寺院供應詔依

同日禮部太常寺言四月二十六日懿節皇后几筵撤

坐禮儀使前一日早晚上香并時前行奏告之禮今參

酌條具到合行事件一合用御封降真香三合祝文

一首述以懿節皇后几筵白幣一段 一早晚上香合

撒坐時前奏告之意

用供養牙盤食茶酒果乞依例從都大主管所行下主管諸司排辦 一合用上香炭火香爐匙合等及禮畢掌管焚燒祝文並乞從都大主管所行下本寺預先排辦 一合用鹿脯鹿鷄祠祭酒蠟燭燎草其數下臨安府排辦其燎草交割付本殿收掌 一合差奉禮郎太祝太官令各一員乞輪太常寺官充 一將來焚几筵時前禮儀使行禮畢後從几筵赴利方焚燒所有隨從几筵本殿內人俟焚几筵畢依禮例並易吉服還內 一合差扶獲几筵內侍乞從都大主管所具合用員數關報入內內侍省差官 一焚几筵時百僚於常御殿門外進名奉慰 一合差焚几筵舉火內侍官一員欲

從都大主管所行下本殿差幹辦官其合用火燭柴草令主管諸司排辦詔依

十八日除几筵都大主管所言勘會四月二十六日懿節皇后几筵撤坐依禮例合選定自几筵殿升檐子時刻據剋擇官供升檐子時宜用當日乙時吉焚几筵舉火時宜用丁時吉詔依

文武百僚入詣几筵殿奠酌儀

其日應合赴奠酌官并服常服守行宮北門入詣几筵殿門外幕次俟有司排辦香火畢御史臺太常寺閤門報班入詣几筵殿門之內外隨地之宜立班定班首再拜在位官皆再拜訖禮直官引班首升殿詣几筵香案前搢笏上香再上香三上香跪一奠茶三奠酒執笏悅

伏興降階復位立班首再拜在位官皆再拜訖以次退

几筵撤坐儀

其日俟皇帝自內服常服詣几筵殿側御幄簾降易忌日之服訖禮直官太常博士閤門官太常卿詣御幄前立定禮直官引禮儀使贊者引本家親屬詣几筵殿下北向立定禮直官引禮儀使贊者引本家親屬詣几筵殿下直官升詣几筵前香案之西東向立閤門報班齊禮直官太常博士引太常卿當幄前俛伏跪奏稱太常卿臣某言請皇帝為懿節皇后几筵撤坐行燒香之禮奏訖俛復興退復位簾捲禮儀使以下皆再拜前導官前導皇帝詣懿節皇后几筵香案前奏請上香再上香三上香內侍進茶酒又奏請一奠茶三奠酒奏請皇帝少立讀祝文官東向措笏跪讀祝

文訖執笏興又奏請皇帝致欽不拜禮儀使以下皆再拜訖俟前導官前導皇帝歸御幄簾降禮儀使以下并前導官以次退皇帝就幄次易常服還內如來儀

御容

紹興十二年六月二十七日大行皇后几筵主管所言准傳宣押到忠訓郎莊宗古鄭滋赴本殿指畫追寫大行皇后御容九月二十四日禮部太常寺言龍圖天章等閣奏本閣見崇奉祖宗神御二十七位每遇旦望諸節序生忌辰合行酌獻今准傳寫御容李昌甫得旨降懿節皇后御容三軸付本閣收奉所有崇奉奉聖旨令禮部太常寺討論禮儀申尚書省勘會緣見今几筵殿崇奉懿節皇后几筵今討論合俟將來几筵撤坐後選

崇安奉御容依本閣見崇奉諸后禮例歲時合行的獻
詔依

十三年四月十七日龍圖天章等閣奉尋會到太常寺
四月二十六日懿節皇后几筵撤坐所有將來本閣崇
奉懿節皇后添置金字位牌倚座偏釘金銀器皿等欲
乞候製造了畢選日奉安酌獻詔依

中興禮書第二百八十卷

凶禮四十五

安穆皇后

議謚

紹興三十二年六月十六日詔追冊皇后感故令禮部
太常寺討論申尚書省

八月二十六日制曰朕惕奉丕圖永懷內助二南基化
眷椒掖之方虛三翟升華愴梓宮之益遠庸敷大號誕
告治朝故賢妃郭氏婉孌凝姿柔嘉宅志齒閑自適際
夢月之珍符政疑夙成負覩天之異表蚤繇冠族來婉
潛藩振振開男子之祥疊疊廸母師之訓總筭節緹茂
著於婦儀瑤瑤珩璜允諧於閭則命之不淑生也有涯

茲予臨御之初不緩正名之典是用參稽古誼追建長秋輯大議於曲台禮存節惠祔容衣於清廟恩篤崇終併照無斁之恩亶謂非常之澤於戲本始之求故劍漢家及見於恭哀太興之下冊書晉空悲於元敬尚惟冥漠其克顧歎可特追冊為皇后令有司擇日備禮冊命二十七日詔已降故妃郭氏追冊為皇后其謚疏可令有司集議以聞

九月八日禮部太常寺言今欲乞依禮例宰執侍從臺諫兩省官已上并監察御史及禮官考功郎官集謚於尚書省六曹郎官以上書謚所有合用日辰據太史局選用九月十三日丙午吉詔依

同日禮部侍郎黃中等言檢准國朝故事乾德二年正

月七日太常禮院言按唐會要元和十一年順宗皇后王氏崩謚曰莊憲初太常少卿韋纁進謚議公卿集定欲告天地宗廟禮官奏議曰按曾子問賤不誅貴幼不誅長禮也古者皇后之謚則讀於廟江廟集禮引白虎通曰皇后何謚之於廟又曰皇后無外事無為於郊所以必謚於廟者謚宜受成於祖宗故皇后謚成於廟請准禮集百官連書謚狀訖請於太廟然後上謚于兩儀殿今考明皇后上謚望如舊禮詔令尚書省集官議定以聞

二月十五日禮儀使扈蒙等奏曰白虎通云后夫人謚於廟臣子共定謚白之於君然後加之婦人天夫故但由君而已唐順宗王皇后是憲宗之母其時禮官遂行

賤不誅貴之文讀之於廟是受成於祖宗也今詳后夫人者有太后也若不尊卑異制終恐禮意未然欲請凡母后之謚則定於廟而讀之乃合賤不誅貴之意皇后之謚取天夫之義自君之命可也其孝明孝惠謚號俟百官議定制下後行冊之前止命官告太廟告訖上於靈座又與周宣懿皇后禮例并同於義稍允勸會今來追冊皇后依典故即不合奉冊寶告廟合俟集官議定謚號勅下後奉冊之前遣官奏告太廟別廟訖奉謚冊寶告於追冊皇后攢宮詔依

十七日翰林學士承旨知制誥洪遵等言於今月十三日集議於尚書省議曰禮莫大乎飾終仁莫隆於篤舊但音潛德未著於聲稱緝典祲客具垂於古昔易名斯

在節惠可稽恭進皇后道合離明功恢坤厚在洽之陽在渭之侯夙表華宗惟瀆之神嶽之靈誕鐘淑質恩方承於丙殿壽已闕於丁年雖元皇之奉冊書有光身後豈宣帝之求故劍不建生前仰惟黃屋之興嗟亟下紫泥而作命哀榮備至軫惻彌加風閉長秋念梧桐之早落月沉永夜追茱萸之遺芳自非循恭敬而盡孝之原暢懷思而存善之要將何以起往謀而彰柔範者哉謹按謚法嚴敬事上曰恭夙夜恭事曰恭慈仁哲行曰懷思在進賢曰懷於以考之前規質於有衆申加懿號用詔方來請上皇后謚曰恭懷皇后詔依

二十三日翰林學士承旨知制誥兼侍讀洪遵奏臣伏奉勅命差臣撰追冊皇后謚議者臣聞方輿真位中傾

則厚載虧臄魄著明薄蝕則群陰伏念悼性之懷孰昭於懿鑠而飾終之典尚有於舊章敢罄形容仰陳稱謂恭惟皇后河洲基德沙麓發祥以珩珮之音自閑以矜稿之戒攸服篤生名閭標金冗以騰芳作伉潛藩圓玉繩而增絢觀其言能逮下樛木之仁也憂在進賢卷耳之志也躬儉節用葛覃之風也警戒相成鷄鳴之道也天之巨測命乃弗融榆翟禕衣生莫都於顯號龍輶纒綽愴益遠於遺儀皇上業懋承桃恩深求劍軫芳年之不永正中惻以追榮申勅下臣參稽古誼爰舉易名之制茂隆節惠之文謹按謚法嚴敬事上曰恭夙夜恭事曰恭慈仁哲行曰懷恩在進賢曰懷若乃盡孝慈闡流徽王邸避順彰於婦則柔嘉著於壺彜得不謂恭乎和

以待人仁而嗇壽存寤寐思服之訓絕險陂私謁之心不得謂之懷乎伏請上謚號曰恭懷皇后臣謹議詔依十月五日禮部侍郎黃中等言恭親九月十三日尚書省集議恭懷皇后謚號其謚號二字續檢照得後漢和帝母梁貴人嘗追謚為恭懷雖本朝太祖皇帝三后孝惠孝明孝章并與漢帝謚號相犯又太宗皇帝明德皇后亦與漢明德馬皇后謚號一同終是中等當時失於檢照申明今來欲乞特賜數奏改正施行又翰林學士承旨知制誥洪遵言臣伏見尚書省集官議恭懷皇后謚方是時執筆之次占位惟謹臣繼被旨撰謚議退而推考漢章帝梁貴人永元中追冊亦曰恭懷皇后正與今謚同幸今廟祔未建冊壘未作以至升祔立忌之禮

皆未施行誠於此時尚可亟改昔太祖皇帝時都省集議孝明皇后謚初曰章順及上謚冊始易今號仁宗至和中溫成皇后初曰恭德言者以德字與太宗諸后謚同遂改於國朝固有舊比欲望聖慈下臣此章令禮官重行討論詔依禮官別行改定聞奏十五日詔恭懷皇后郭氏可改謚安穆

十七日禮部太常寺言已降指揮恭懷皇后郭氏可改謚安穆所有謚議乞令已差撰謚議官別行修撰候指揮下日令禮部遍牒施行詔依

二十八日尚書省黃牒翰林學士承旨知制誥洪遵言臣先奉勅命差臣撰恭懷皇后謚議續准指揮恭懷皇后可改謚安穆所有謚議令已差撰謚議官別行修撰

臣聞太極肇形坤載配天元之象內朝正位陰儀參帝所之尊故生則禕衣闕翟以顯其初沒則禕典慈書以詔于後古今共貫方冊可稽恭懷皇后道蔚賢和德敷淵靚造次合肅雖之度周旋中婉蠻之觀異表夙成上應玉牀之耀高門鼎盛遠承全穴之華若乃服澣濯之衣儉於躬也奉祭祀之事敬於禮也朝夕憂勤進賢才也夙夜警戒基治道也久矣流芳於朱邱庶几齊體以紫宸天之難謀命乃不淑六龍在御撫故劍以空悲五鹿沈蹤悵遺疏之益遠雖建長秋之號未伸當宁之思屬定議於曲臺將進陪於太室惟恭懷誅行既奈於前前聞則安穆易名何嫌於申命謹按謚莊敬盡禮曰安德化肅雍曰穆皇后齊明以奉時饗遜順以執婦彛非

莊敬盡禮乎淑譽洽於潛藩徽音刑于左戚非德化肅
雍乎伏請上謚號曰安穆皇后臣謹議詔依

奉謚用寶

紹興三十二年九月十一日禮部太常寺言故妃郭氏
追冊為皇后其合行件可令禮官討論條具申尚書省
取旨禮部太常寺今討論依禮例合修製謚冊寶并沿
冊寶法物等乞令工部下文思院修製并合差撰謚冊
文官一員書謚冊文官一員篆謚寶文官一員並乞差
執政官撰謚議官一員乞差翰林學士詔依撰謚冊文
官差參知政事史浩書謚冊文官篆謚寶文官同知樞
密院黃祖舜撰謚議官翰林學士承旨洪遵

二十六日禮部太常寺言今具合行事件 一奉謚冊

寶告於攢宮行禮日并神主祔廟日依禮例皇帝前後
殿不視事百司並作休務假 一奉謚冊寶告于攢宮
合差太傅一員依例係差宰臣詔依

二十八日禮部太常寺言今討論條具下項 一奉謚
冊寶告於攢宮行禮依禮例合用文武百僚陪位立班
竊緣今來攢宮地步窄隘乞從御史臺閤門相度申請
施行 一奉謚冊寶告於攢宮行禮所有修立儀注乞
從太常寺申請施行詔依

十月十八日禮部太常寺言今討論條具下項 一奉
謚冊寶告於攢宮依禮例合差讀寶官一員讀冊官一
員係差侍從官舉冊官二員舉寶官二員係差禮部太
常寺官充並前一日宿齋 一依禮例專差內侍官二

員掌管進呈謚冊寶訖降出乞下入內侍省差今欲乞令文思院於奉謚冊寶詣攢宮行禮前二日以謚冊寶計會所差內侍進呈訖於前一日降出詣祥曦殿門外交付禮部以俟從衛至攢宮冊寶幄安奉至日行禮其捧冊寶職掌從衛祇應人等并合於冊寶幄之側宿衛所有祥曦殿門外并攢宮合設冊幄及幕次等并乞令儀鸞司同臨安府釘設排辦 一奉謚冊寶太傅以下行禮官都大主管官等并立神主祭告行禮官依禮例並合於奉上前一日宿齋今欲乞前一日太傅自祥曦殿門外從冊寶至攢宮退宿齋於都堂至日守錢湖門赴攢宮行禮其餘行禮等官并宿於惠照院齋宮至日絕早赴攢宮行禮詔依

十一月四日禮部太常寺言依典故合俟謚號勅下後奉冊之前遣官奏告太廟別廟今具奏告合行事件下項 一奏告日辰太史局中宜用十一月十三日乙巳告 一合用御封降真香一十二合乞下入內侍省

請降

一合用祝文一十二首

並述以進冊安穆皇后郭氏謚號勅下奉冊前

期奏告之意

並乞下學士院修撰

一合用白幣一十二段

各長一丈八尺

以熟白絹充乞令太府寺下左藏庫支供 一

奏告一十二位每位合用酒二升鹿脯一段重四兩鹿蕪

五合茅一束真蠟燭上香炭乞臨安府排辦 一奏告

官一員係差南班宗室正任已上充 一光祿卿奉禮

郎太祝太官令各一員欲乞令太常寺輪差本寺官詔

依自後凡遇行禮應祝文青詞表文并乞學士院修撰御封降真香係入內侍省請降冊帛係戶部下左

藏庫文供禮料蠟燭羊豕
等係臨安府收買供應

十七日禮部太常寺言今來追冊皇后謚號已降勅下
今參酌比附合行申請事件 一今來謚號勅下應官
司行移等依禮例俟奉謚號冊寶了日合稱安穆皇后
一除已申請修製謚號冊寶外內寶文欲乞以安穆
皇后之寶六字為文詔依

十二月五日御史臺言將來安穆皇后神主祔廟前一
日奉謚冊寶告於攢宮行禮依禮例合用文武百僚陪
位立班本臺今相度文臣欲乞集應釐務不應釐務通
直郎已上及行在見任寺監主簿承務郎以上職事官
趨赴陪位立班并神主祔廟日亦乞用上件官趨赴詔
依十日間門言今相度欲乞用保義郎以
上并三衛員僚以上趨赴立班詔依

謚冊文

維紹興三十二年歲次壬午十二月癸丑朔二十有七
日己丑皇帝若曰古先哲王修身齊家達於天下必建
中壺正位乎內至於哀榮之際飾終追往廟有典常所
以基王化厚人倫也朕祇荷天地宗廟之闕休對揚太
上皇帝之慈訓嗣有大統將自家而刑國使天下化之
乃春良配弗克永年是用咨爾秩宗暨奉常易名考行
協于僉言懋冊徽章肆以時舉皇后郭氏婉婉懿恭祇
若古訓粵自初載嬪于潛藩愉翟以朝佩玉以居下撫
上承率履弗越命之不淑方華而殞日月逝矣音容如
新朕問安寢門以天下養而盥擲之禮后弗克親朕封
建諸子以屏王室而朝會之盛后弗克見念莫于助慨

然于中追懷平生以詔後世今遺太傅陳康伯冊謚曰
安穆皇后正中宮之名于以協陰教升別廟之祔予以
安神靈于昭淑聲永永無極嗚呼哀哉
十日太常寺言追冊皇后奉冊寶告於攢宮行禮本寺
今修立到行禮儀注詔依

奉謚冊寶儀

奉迎宿衛

前一日奉謚冊寶太傅讀冊寶官舉冊寶官並常服守
和寧門入詣祥曦殿門外幕次太常寺贊引祇應人禮
部職掌及援衛親從輦官儀仗等并於殿門外隨地排
立以俟掌管進呈謚冊寶內侍請降謚冊寶出祥曦殿
以授禮部於殿門上權置定次禮直官引太傅已下詣

殿下隨地立班再拜訖如值雨或泥濘免拜權側身立俟有司
奉迎援衛儀仗等進行太付以下後從都大主管官往
來照管至和寧門外并騎從謚冊寶出清波門赴攢宮
門外並下馬從入禮部職掌捧謚冊寶詣幕次權置定
訖太傅退宿齋於都堂其餘行禮官退並宿齋於惠照
院齋官捧冊寶職掌援衛祇應人等並於冊寶陞之側
宿衛儀仗退

奉上謚冊寶

其日太傅并文武合立班官并儀仗鼓吹僧道等並守
錢湖門赴攢宮幕次讀冊寶等行禮官至日並先赴攢
宮幕次以次內謁者浴神主次題神主官書題神主訖
禮儀使奏請神靈上神主次太常卿行祭告禮訖禮部

職掌捧盞冊寶詣殿下稍東西向褥位冊南寶北置定都大主管官往來照管俟有司排辦畢備次御史臺閣門太常寺分引文武合立班官詣殿下及殿門內并外廊上隨地之宜立班定次禮直官引讀冊讀寶官讀寶案之後褥位西向立次引舉冊舉寶官於讀冊讀寶官之後立次太傅詣殿下東向立禮直官贊太傅躬拜贊者曰拜在位官皆拜訖次引太傅升殿詣追冊皇后香案前搢笏上香再上香三上香跪一酹茶三奠酒執笏俛伏興再拜訖降階復位少立次引太傅詣殿下南向褥位俛伏跪奏稱太俛臣某言奉詔奉上追冊皇后謚號冊寶奏訖俛伏興次引太傅詣冊匣案之後立次舉冊官詣冊案搢笏跪舉冊匣興

凡舉冊寶皆禮部職掌助舉

職掌先

捧冊案升詣殿上香案前置於褥位南向次舉冊官舉行太傅搢笏捧冊升殿至褥位南向跪奠冊匣於案上太傅執笏興少退稍西褥位東向立次舉冊官執笏興少立次引讀冊官升殿詣冊匣之後南向立舉冊官搢笏跪舉冊次讀冊官搢笏跪讀冊訖執笏興降階復位立舉冊官奠冊於匣次舉冊匣興職掌先捧冊案於殿上稍東褥位置定舉冊官舉冊匣跪置於案上舉冊官執笏興降復位立次引太傅降階詣寶案之後立次舉寶官搢笏跪舉寶盞興職掌先捧寶案升詣殿上香案前置於褥位南向次舉寶官舉行太傅搢笏捧寶升殿至褥位南向跪奠寶盞於案上太傅執笏興少退稍西褥位東向立次舉寶官執笏興少立次引讀寶官升殿

詣寶案後南向立舉寶官揖笏跪舉寶次讀寶官揖笏
跪讀寶訖執笏興降階復位立舉寶官奠寶於盂次舉
寶盂興職掌先捧寶案於殿上稍東褥位置定舉寶官
舉寶盂跪置於案上舉寶官執笏興降復位立次引太
傅降復位東向立禮直官贊太傅躬拜贊者曰拜在位
官皆再拜訖退應行禮官祇應人及
謚冊寶並隨宜升降太傅并讀冊寶官
舉冊寶官退宿齋於齋宮以俟次日絕早詣攢宮朝拜
訖俟內常侍奏請神主詣太廟行祔廟之禮內謁者捧
神主升腰輿訖以俟儀仗鼓吹僧道等前導冊寶神主
詣太廟行禮其儀仗鼓吹等至櫺星門先退

中興禮書卷二百八十一卷

凶禮四十六

安穆皇后

攢宮

紹興三十二年九月二十三日禮部太常寺言今來追
冊皇后攢所欲乞改稱攢宮詔依

十月十四日禮部太常寺檢察宮陵所言依已降指揮
攢宮修蓋寢殿等今同太史局臨安府官前去攢宮相
視訖今具合行申請事件下項 一今來追冊皇后攢
堂欲乞改為攢殿所有攢殿前見有佛殿一所欲乞修
作神御殿兼取到太史局狀上件攢殿神御殿并係面
北於陰陽經書即為妨礙今欲乞從檢察宮陵所標撥

令臨安府修蓋 一今來攢殿上并兩廊見有士民橫
葬去處欲乞令檢察宮陵所同臨安府措置給降錢付
逐家起移前去從便埋葬 一今來攢宮修立離寨牆
圍門戶并四至禁地等并乞令檢察宮陵所一面隨宜
措置 一今來修吉院作攢宮其本寺佛像僧行欲乞
令本寺僧踏逐地段從檢察宮陵所同臨安府措置給
降錢物材料付本寺知事僧修蓋寺舍專充資薦追冊
皇后道場去處 一興工前期合行祭告追冊皇后攢
宮欲乞令檢察宮陵所前期擇日報太常寺依紹興府
攢宮奏告體例報太宗正司及臨安府差官排辦祭告
所有合用香祝欲乞令太常寺依自來體例關申學士
院入內侍省請降詔依

九日檢察宮陵所言追冊皇后攢所改稱攢宮本所令
條具合行申請事件下項 一今來合差都監一員欲
乞從本所依昭慈永祐陵攢宮體例差官其理任請
給酬賞等并乞依逐宮都監前後已降指揮 一昭慈
永祐陵攢宮體例各差巡檢一員今來欲乞止差置提
轄守衛軍兵使臣一員乞從本所於見任得潛待闕已
未到部大小使臣內踏逐選差具姓名申朝廷給降付
身其理任請給酬賞等乞依逐宮巡檢前後已降指揮
一欲乞令步軍司差撥有行止无過犯軍兵七十人
部轄人員節級在內赴宮擺鋪守衛 一今來上下宮
合用崇奉器皿什物供事衣禱陳設簾幕等四季御衣
乞從本所照應昭慈永祐陵攢宮諸殿體例其合用之

數報御前局所依應製造降付本宮供設使用 一將來每遇生忌辰旦望節序并日常應合用排辦酌獻食味酒果香花油燭炭等并乞依昭慈永祐陵攢宮體例從本宮關報臨安府排辦依時供送所有生忌辰節序等修設道場差僧員數亦乞從本宮於修吉院差如不足報臨安府貼差其差僧修設道場齋觀錢乞依例從本宮關報臨安府每歲供送錢二百貫文者赴宮附歷收支 一今來合用諸色祇應人欲乞從本所關報所屬差入內院子二人御厨工匠二人翰林司二人儀鸞司二人赴本宮祇應詔器四什物供事衣禱陳設簾幕四季御衣令文思院製造餘依
十一月十七日檢察宮陵所言據攢宮都監張璩申請

下項 一行移乞以追冊皇后攢官司稱呼候將來奉謚冊寶下日以安穆皇后攢官司為名 一合用印訖乞以安穆皇后攢官司印八字為文乞令禮部行下文思院鑄造 一攢宮事體至重務要嚴肅其火禁門戶並乞依昭慈永祐陵攢宮條法指揮兼本宮緣有竹木屋宇接連附近居民及諸營寨竊慮其間不曉法意之人誤有所犯今欲乞令臨安府差通判一員將帶巡尉逐時前來彈壓照管 一所有祭告薦新等係都監官屬行禮合差禮生一名贊引今欲乞從本宮預期申太常寺差贊者一名赴宮其應有合排辦事件亦乞令臨安府依例應副 一修吉院今來係嵩一崇奉攢宮道場去處乞依泰寧寺體例隸屬本官司 一攢宮禁地

封瑛界至內不許採斫窠木動土取掘之類如有違犯
之人送臨安府依法施行 一昭慈永祐陵攢宮遇有
窠木枯朽殿宇墻圍等損動於冬季申檢察宮陵所備
申朝廷下紹興府差通判一員相視檢計令太史局選
日春分前奏告訖紹興府應副補種窠木修整殿宇本
府差委鈴轄一員嵩一管幹若有些小疎漏即時關報
本府日下整覈今欲乞并依昭慈永祐陵攢宮已降指
揮 一攢宮都監提轄守衛軍兵使臣係專一崇奉陵
寢職事欲乞並免趨赴朝參行香接送之類仍並行謁
禁 一攢宮合差置人吏等今乞止差主管官物一名
手分二名許於內外無違礙官司踏逐指名選差其請
給補授酬賞等亦乞依昭慈永祐陵攢宮司體例詔依

隆興元年正月二十五日禮部太常寺言每歲春秋二
仲擇日差官薦獻昭慈聖獻皇后攢宮永祐陵攢宮今
來安穆皇后攢宮亦合依前項禮例於春秋二仲差官
薦獻行禮所有應合排辦事件并乞依昭慈永祐陵攢
宮體例關報所屬差官排辦詔依

二月二十四日詔鄂州觀察使提舉萬壽觀郭斌每歲
寒食十月一日許令本家詣安穆皇后攢宮燒香

宋會
要隆

興元年五月九日昭慶軍承宣使提舉萬壽觀郭斌言
伏自迨用安穆皇后除臣及妻已被恩除外自餘本家
乞依懿節皇后推恩吏禮部尋檢具懿節皇后受冊推
親屬恩數承信郎恩澤二十五人親叔親弟親侄邢蓋
臣等八人并轉三官親妹夫潘温卿遂郡上轉行一官
親姑普寧郡夫人封次國夫人親姊和義郡夫人封大
郡夫人親妹宜人加封令人親姪女四
人并封安人詔依檢具到體例推恩

六月二十四日禮戶部言准勅南山修吉院改造充安

穆皇后攢宮專一崇奉香火本院今乞依紹興府昭慈永祐陵攢宮體例改立寺額撥賜水田并乞撥賜係官柴山竹園陸地給還本院充常住使用及乞每歲給降度牒許行撥放行者一二名奉聖旨令依條施行今具下項 一禮部取到太常寺狀今省訖得昭慈聖獻皇后攢宮泰寧寺元係寶山證慈禪院後宋改額作泰寧寺今來修吉院乞依例改立寺額欲依所乞 一省記得泰寧寺每遇聖節撥放童行二名於紹興初間曾經撥放童行後來承紹興七年六月四日指揮撥放住給契勘泰寧寺自降住給指揮後來不曾陳乞撥放今來修吉院陳乞有礙指揮 一戶部檢准紹興四年二月三日勅昭慈聖獻皇后攢宮泰寧寺令紹興府於係官

田內撥賜田產一十頃特與免諸般科率今來修吉院乞撥賜水田柴山竹園陸地充常住使用本部欲令兩浙轉運司行下所屬依本院所乞標撥施行詔依

九月二十四日檢察宮陵所言欲乞依昭慈永祐陵攢宮所行事務陳請之類并隸屬本所其干典禮事隸太常寺及乞依昭慈永祐陵攢宮體例每歲於孟冬月詣安穆皇后攢宮點檢齋奉御香焚燒詔依

二年八月十二日御史臺言本臺每歲於秋季差監察御史按視檢察永祐陵等攢宮所有安穆皇后攢宮自置宮以來未有指揮前去本臺今年秋季已輪差監察御史見行選日前去按視檢察永祐陵等攢宮欲乞候將來所差官回日許詣安穆皇后攢宮按視檢察詔依

淳熙二年二月二十八日太常寺言准尚書省劄子檢察宮陵所申安穆皇后安宮皇后攢宮本宮西南角山上外圍牆外望見顯終庵山上新有墳穴本宮都監同提轄使臣將帶合干人前去彼處相視得今來墳穴附近攢宮即不見得有無妨礙乞下太常寺同太史局官躬詣本處看定依條施行本寺官同太史局官躬詣安穆皇后攢宮外圍牆內西南角山高處望見新墳穴次往顯終庵後山上新墳穴處同太史局合干人自新墳基立椿處打量至攢宮外圍牆脚計一十二丈又自立椿處量至穴心二丈緣本宮元元立定禁地封堦界至據太史局申今相視得安穆皇后攢宮皇堂西南角山係犯國音受氣之方依經即不合葬埋合行遷去却用

元土填平又特服錢癰狀本家先世自來接續盡在臨安府錢塘縣赤山祖墳顯終庵安葬至今年代已是深遠近因父奉直大夫以愚傾喪本家扶護前來同亡母棺柩於本墳附葬已畢多日今來靡父母墳穴既蒙官司看定存歿不安欲乞移避特賜告示本家從便移葬庶得存歿安便詔依并與免罪仍令所屬立封堦曉諭通知餘依錢靡所乞

八月六日禮部太常寺言檢察宮陵所狀已降指揮安穆皇后安恭皇后攢宮位封堦今本所并攢宮司同太史局合干官吏等同共前去相視於國音風木形勢等委无妨礙去處置位封堦所有合用工物令臨安府應副排辦本所於今月二十六日同太局局差到二宅

剋擇官等并攢宮官吏等詣安穆皇后安恭皇后攢宮
置位封堠去處相視得自西北亥位長生之方至西南
受氣之方東南天柱山至正東及東北青龍陽氣三男
之位皆係國音風水形勢之地已權行標立四隅外欲
乞朝廷行下太常寺同太史局前去再行看定若於國
音典禮委无妨礙則乞依先是指定標立四隅方位步
數置立封堠本寺依已降指揮同太史局前去攢宮再
行看定置立封堠去處及檢准紹興元年五月二十八
日已降指揮節文降祐皇太后攢宮依太史局官所定
自攢宮心四至各以百步為禁地并紹興十二年已降
指揮攢宮百步內不許採斫窠本動土取塚之類如有
違犯之人收捕送越州依法施行竊緣百步內並無禁

止界至欲乞令修奉所隨宜添置封堠所貴有以誠約
免致小人誤犯今來本所又於今月十五日同太常寺
官躬詣攢宮再行看定據合干壕寨并太史局打量到
丈尺步數安穆皇后攢宮自皇堂元立標處再行再定
展量四隅各長五十丈皆係百步據太史局申若行置
立封堠即於國音風水形勢并无相妨今來雖於百步
內東北西北各有居民員住屋宇及西南正東各有舊
坟其屋宇坟并係未修奉攢宮之前已有坟穴屋宇今
檢照得非昭慈聖獻皇后攢宮永祐陵攢宮當時置立
封堠禁地百步內亦有坟穴及居民屋宇承指揮更不
選改依舊居止向外開門出入止令令後不得動土塚
鑿修蓋舍屋所伐林木安殯坟墓所有今來安穆皇后

安恭皇后攢宮置立封堠禁地內有見住居民等屋及
舊有坟穴欲乞依前項已降指揮更不遷改止令仍舊
居止向外開門出入自今後不得動土墪鑿修蓋舍屋
斫伐林木安殯坟墓今來指定即與國音別无妨礙今
欲依太史局等所申重行展量到步數各以百步為禁
地置立封堠內有居民等屋并坟穴去處亦乞依太史
局今來指定到事理施行今檢察宮陵所行下攢宮司
置立封堠仍立粉壁曉諭通知詔依

中興禮書第二百八十二卷

凶禮四十七

安穆皇后

神主祔廟

紹興三十二年九月十一日禮部太常寺言故妃郭氏
追冊為皇后今來神主祔廟合差禮儀使一員乞依禮
例差宰臣詔依

十二日禮部太常寺言今討論依禮例合修製神主一

大匱一小匱一底蓋腰輿一汲水鐵絡桶一索矮香案

一座紫羅衣白羅拭巾一長八尺筆墨硯一副青羅巾

長八尺行障一紫羅衣全襯藉神主紫羅褥子一浴斛

一跌座一褥子直几一衣子油絹帕一幅三單匱紅羅

夾帕一並乞令工部下文思院修製詔依
二十七日禮部太常寺言依禮例立神主合差書題神
主官一員係差翰林學士或侍從官充詔依
二十八日禮部太常寺言今討論條具到下項一拊
廟前一日早立神主於攢宮今欲乞是日內謁者浴神
主次題神主官書題訖禮儀使奏請神靈上神主次太
常卿以牲牢禮饌行祭告禮訖次太傅行奉謚冊寶之
禮次日迎奉神主同冊寶詣太廟行拊謁之禮畢奉神
主拊于別廟一祭告行禮合差太常卿奉禮郎太祝
太官令各一員依禮例係差太常寺官充一奉謚冊
寶告於攢宮並立神主行祭告禮合用御封降真香二
合一奉謚冊寶於攢宮行禮合用供養酌獻牙盤食

茶酒果等并乞令都大主管所行所屬排辦一行祭
告禮合用祝文一首述以違冊皇后立神主
于攢宮行祭告禮之意并合用白
幣一段羊豕各一禮料酒齊等一攢宮立神主合用
俗神主擅沉箋茆香末各一兩并柴五十斤依例報臨
安府供應一俟書題神主訖合用漆匠一名并所用
漆乞下文思院預先差辦詔依

十月十八日禮部太常寺言今討論條具到下項一
拊廟日自攢宮迎奉神主詣太廟欲乞依禮例拊廟行
禮官并陪位官先詣太廟門外再拜奉迎神主訖退以
俟拊廟行禮立班所有奉迎合用香茶花瓶麻爐匙合
香等並乞令臨安府排辦一今來拊廟前一日係奉
謚冊寶於攢宮行禮并立神主於攢宮日今欲乞是日

禮儀使先詣攢宮奏請神靈上主行禮并太傅奉謚冊
寶訖退宿齋於惠照院齋宮次日迎奉神主詣太廟行
祔廟之禮詔依

十九日禮部太常寺言今討論條具到下項 一今來
奉迺冊皇后謚冊寶告於攢宮并神主祔廟合行奉告
天地宗廟社稷宮觀諸陵兩攢宮迺冊皇后攢宮今欲
乞依禮例於祔廟前三日奏告 一奏告合差光祿卿
以下行事官乞輪差太常寺官外餘不足依例申吏部
差 一合用御封降真香青詞表祝文幣帛米料酒果
蠟燭等并乞依自來奏告禮例排辦詔依 十二月十一
言于祔廟前三日奏告天地等處緣奏告日係立春日
祀青帝五福十神太一東方歲鎮海瀆相妨乞作祔廟
前二日奏告詔依

二十日禮部太常寺言今來迺冊皇后神主祔廟前二
日奏告天地宗廟社稷宮觀諸陵兩攢宮迺冊皇后迺
項奏告官乞依禮例差侍從官充內太廟別國諸陵迺
冊皇后攢宮差南班宗室正任以上充并前一日絕早
赴逐處祠所齋宮致齋其紹興府兩攢宮乞就差紹興
府南班宗室充詔依

十一月十三日禮部太常寺言今條具合行事件下項
一祔廟其行事執事官依禮例合前十日受誓戒於
尚書省并祔廟日前一日宰執齋于都堂陪位百官齋
于本司其元本司官齋于貢院員僚齋于本營廳事致
齋日治事如故唯不判書刑殺文書 一依國朝故事
用太常鼓吹左右金吾仗振作導引至太廟今欲乞依

寶華堂
昨顯仁皇后神主祔廟體例用細仗二百人令兵部依例差撥其鼓吹令太常寺依昨顯仁皇后祔廟例下殿前馬步軍司差撥雜擯樂人一百三十一人自攢宮導引至太廟行祔廟之禮 一將來迎奉神主詣太廟依禮例合用儀仗衛執打從物繖扇等導引赴太廟乞報檢察宮陵所至時於攢宮就行關借事畢送還如有闕少不曾製造名件即乞令都大主管所下文思院製造事畢并赴攢宮收管 一依禮例其謚冊寶於神主前陳列至太廟乞令禮部量人數差撥職掌援衛照管詣太廟以俟交割付奉安所收管 一合差威儀僧道各一百人并儀衛輦官親從官執打從物繖扇等乞下臨安府并都大主管所指揮所屬差撥排辦 一所有陪

位文武乞從御史臺閣門申請施行 一依禮例合設

登歌宮架樂舞所有合用樂舞樂章乞令太常寺申請

排辦 一合用祝文一十二首 并送以追用皇后神主

附詣別廟安奉之意 追冊皇后合用祝文一首 送以再冊皇后神

別廟安奉之意 合用正副羊豕各一十九口白幣一十三段

一太廟南神門外稍西東向并攢宮并合設權安奉神

主帷次乞下儀鸞司同臨安府計會釘設排辦 一先

祔謁太廟之禮及行附謁別廟懿節皇后之禮合用紫

羅拜褥二領乞下工部令文思院製造赴太常寺送納

一行禮儀注乞從太常寺修定關報所屬施行 一

合差定時剋擇官一名乞下太史局差撥 一依禮例

合行祔謁之禮次祔饗於祖姑之下所有徽宗室戶外

西向合設陞次乞下儀鸞司同臨安府釘設排辦詔依
十八日禮部太常寺言今具合行申請事件下項 一
合用鼓吹導引詞曲及添換追冊皇后祔廟酌獻樂章
乞依例從學士院修撰降下太常寺教習 一合設登
歌宮架樂舞依禮用節奏樂正登歌宮架樂工二舞令
乞教習七日詔依

十二月七日禮部太常寺言今參酌條具到事件下項

一將來自攢宮迎奉神主祔廟合用綵結殿子一座

乞下儀鸞司同臨安府統縛合同香案一座

紅羅衣并子全

瓶床爐香匙合等并至日不測雨降所有合用雨具並

乞令主管諸司行下臨安府依例排辦

其導從官及祇應人如值雨許

施雨詔依具

十一日禮部太常寺言追冊皇后祔廟日辰今據太史
局選用十二月二十七日巳丑時宜用其日丁時吉詔
依十三日太常言追冊皇后神主祔廟行饗太廟別廟
禮合差初獻一員係差親王宗室觀察使以上充亞獻
一員終獻一員係差宗室正任以上充准誓刑部尚書
一員止赴受誓戒並不致齋亦不行事監察御史一
員兵部尚書一員工部尚書一員押樂太常卿一員光
祿卿一員押樂太常丞一員光祿丞一員奉禮郎一員
登歌協律郎一員官架協律郎一員太祝一員太官令
二員欲乞朝廷降勅差官詔依

其存香燈官捧組官宮闈令依例太常寺申吏

部及闈入內侍者差官

同官禮部侍郎黃中等言檢准國朝故事神主祔廟係

用儀仗鼓吹導引至太廟俟時用樂舞行事今來追冊皇后祔廟緣在欽宗皇帝服制之內即與昨來景靈宮奉安顯仁皇后神御尊卑不同雖宗廟薦饗已用樂舞然鼓吹施於道路情所未安其將來追冊皇祔饗太廟合依見今薦饗別廟懿節皇后禮例用樂行事外所有導引儀仗內鼓吹今欲乞備而不作詔依

二十二日臣僚上言伏見安穆皇后冊寶既成祔廟有日群臣於禮儀之際纖悉論奏陛下——採聽无不俯從其於用樂一事以欽宗之服未除臣下意有所嫌禮部奏欲去鼓吹陛下曰可給舍又奏廟中之樂於祖宗前殿當用於安穆別廟不當用陛下亦曰可臣是知陛下處事之欲當而聽納之无倦也然給舍之儀固為

得矣而又未盡也臣請悉言之祖宗前殿尊无有正其於用樂无復嫌然用之於其他行禮之日則可用之於安穆祔廟之日則似不可何者今日之事是為安穆設也其所用樂是為安穆用樂也雖於別廟不用然而為安穆用樂之名猶在也以陛下聖德日新事无固必如群臣前所奏請尚欲委曲而用之曷若无間前後殿皆備而不作為盡善盡美无一毫可議哉詔依

二十一日禮部侍郎黃中等言竊以茲者安穆皇后膺受追冊祔饗太宮皇子三王孝思罔極謂宜以義起禮稱其念慕之心欲乞前一日既奉冊寶請三王詣攢殿荐牙盤食行酌獻之禮祔饗之日安穆皇后神主既歸別廟請三王行燒香之禮所有合用牙盤食香茶酒果

等候指揮下日從太常寺具數臨安府排辦詔依

神主祔廟鼓吹詞

道宮導引 備而不作

鳳蕭聲斷縹渺遡丹丘猶是憶河洲熒煌寶冊來天上
何處訪仙游葱葱鬱鬱瑞光浮嘉酌侑芳羞瑀輿綉仗
歸新廟百世舉千秋

祔廟儀

前一日省牲省饌並與常饗同更不重載

齋戒

前饗十日受誓戒於尚書省其散齋致齋受誓戒並如
常饗之儀

晨裸

祔饗日行事執事陪位官并服常服先詣太廟門外俟

安穆皇后神主將至再拜奉迎神主訖退歸幕次其後
從神主官詣太廟櫺星門外下馬禮儀使都大主管官
後從神主至南神門外東向嚮次權安奉訖次謚冊寶
於南神門外西向嚮次權安奉訖禮儀使都大主管官
退歸幕次僧道至櫺星門外先退禁衛更互排立祠祭
官引宮闈令詣殿下此向再拜訖升殿詣諸室立定有
前期設祭器實之皆如常饗之儀太官令監視訖退次
引光祿卿詣殿下褥位再拜訖升殿點閱訖都大主管
官往來照管次引監察御史升殿按視訖俱退還齋所
並服祭服御史臺閣門太常寺分引親王宰執使相文
武百僚入詣殿庭分東西向立北上禮直官贊者分別
引祔饗行事官詣東神門外揖位立定禮直官贊揖訖

俱入就位立定祠祭官於殿上贊奉神主次引荐香燈
官入室指笏奉帝主啓匱於後以白羅中覆之執笏退歸執事位
次引宮闈令指笏奉后主如上儀以青羅中覆之執笏退歸執
事位祠祭官於殿上贊奉神主訖俟太史局報時及禮
直官引內常侍詣安穆皇后神主幄前西向俛伏跪奏
稱攝內常寺臣某言請安穆皇后神主進行奏訖俛伏
興次引贊者引扶持夾侍捧腰輿內侍詣幄捧輿腰進
行內常侍前導禮直官引禮儀使都大主管官後從入
南神正門詣泰階下北向禁衛退歸排立位次御史臺
閣門太常寺分引親王宰執使相文武百僚合班北向
立定次引內常寺詣殿下褥位南向俛伏跪奏稱攝內
常侍臣某言請安穆皇后神主少住伏興少退立禮直

官引都大主管官先升殿往來照管次禮直官引禮儀
使升白泰階詣殿上當中褥位北向俛伏跪奏稱禮儀
使具官臣某言安穆皇后神主行祔謁祖宗帝后之禮
奏訖俛伏興退降自西階歸本班次宮闈令詣殿下神
主腰輿前指笏捧神主升自泰階詣殿上當中褥位北
向跪權設於座訖捧腰輿內侍捧腰輿并扶持夾侍官
及腰輿詣泰階少駐次宮闈令啟匱設於後以青羅中覆之宮
闈令執笏興少立俟祔謁祖宗帝后神主訖宮闈令指
笏跪以青羅中覆之捧安穆皇后神主興降自泰階升腰輿
訖次捧腰輿內侍并扶持夾侍官捧安穆皇后神主腰
輿進行量那禁衛鞞官援衛詣殿西赴別廟殿下次引
宮闈令詣殿下神主腰輿前指笏捧神主升自東階詣

殿上稍西褥位北向跪權設於帷訖捧腰輿內侍捧腰輿并扶持夾侍官及腰輿詣殿下少駐次宮闈令啟安穆皇后神匱設於殿以青羅覆之宮闈令執笏與少立俟祔謁懿節皇后神主訖宮闈令搢笏跪以青羅中蓋之捧安穆皇后神主輿降自東階升腰輿捧腰輿內侍并扶持夾侍官捧安穆皇后神主腰輿捧腰輿內侍詣太廟殿泰階下次引宮闈令詣殿下神主腰輿前搢笏捧神主自泰階詣徽宗皇帝室前帷次就祔饗位置於座宮闈令啟匱設於後以青羅覆之執笏退歸執事位次捧腰輿內侍并扶持夾侍以腰輿權置定權退儀衛俟神主祔廟行禮畢授衛詣別廟本室奉安訖退禮直官贊有司謹具請行事贊者曰拜在位官皆再拜訖次引押樂太常卿丞協律郎監察御史奉禮

郎太祝太官令各就位立定次引初獻詣盥洗位北向立搢笏盥手脫手執笏詣爵洗位北向立搢笏洗瓚拭瓚訖以瓚授執事者執笏升殿詣僖祖室尊彝所西向立執事者以贊授初獻初獻搢笏跪執瓚執彝者舉罍太官令搢笏跪酌鬱鬯訖執笏與先詣宣祖室尊彝所北向立初獻以瓚授執事者執笏與入詣僖祖室北向立搢笏跪次奉禮郎搢笏西向跪執事者以瓚授奉禮郎奉禮郎奉瓚授初獻初獻執瓚以鬯裸地奠瓚次執事者以幣授奉禮郎奉禮郎奉幣以受初獻訖執笏與先詣宣祖室前西向立初獻受幣奠訖執笏俛伏興出戶外再拜訖次詣宣祖室太祖室太宗室真宗室仁宗室英宗室神宗室哲宗室徽宗室安穆皇后神主位欽

欽宗室次降階詣別廟懿節皇后神主前裸芻奠幣並
如上儀訖俱復位既晨裸荐香燈官取毛血奠於神座
前太官令取肝以鸞刀制之洗於鬱鬯貫之以膏燎于
爐火荐香燈官以肝膏詔於神座前又以墮祭三祭于
茅苴退復位安移皇后神主
前太祝行事

饋食

饗日有司設俎二十六于神厨各在鑊右進饌者詣厨
於鑊實羊載于俎肩胛肱肱正脊一直脊一橫脊一
長脅一短脅一代脇一臂二骨以並
豕載于俎豕熟十一體
其載如羊執事者入設於饌幔內俟初獻
既升晨裸捧俎官及執事者捧俎入詣西階下於左右
次引兵部尚書工部尚書詣西階下各搢笏奉俎升殿
詣僖祖室前北向跪奠訖先荐羊次荐豕執笏俛伏興

有司設置于位前次引諸室并別廟奉俎並如上儀俱
降復位初俎既升奠引荐香燈官取蕭合黍稷搗於脂
燎於爐炭當饋熟之時荐香燈官取菹孺于鹽祭于豆
間三又取黍稷肺祭如初但藉以茅退復位次引初獻再
詣盥洗位北向立搢笏盥手俛手執笏詣爵洗位北向
立搢笏洗爵拭爵以爵授執事者執笏升殿詣僖祖室
酌奠所西向搢笏跪執事者以爵授初獻初獻搢笏跪
執爵執尊者奉冪太官令搢笏跪酌酒訖執笏興先詣
宣祖室酌尊所北向立初獻以爵授執事者執笏興入
詣僖祖室北向立搢跪執爵三祭酒于茅苴奠爵執笏
俛伏興出戶外少立次太祝東向搢笏跪讀祝文訖
執笏興先詣宣祖室東向立初獻再拜訖次引諸室并

別廟行禮并如上儀訖俱復位次引亞獻詣盥洗位北向立搯笏盥手脱手執笏詣爵洗位北向立搯笏洗爵拭爵訖以爵授執事者執笏升殿詣僖祖室酌尊所西向立執事者以爵亞獻亞獻搯笏跪執爵執尊者舉罍太官令搯笏跪酌酒訖執笏興先詣宣祖室酌尊所北向立亞獻以爵授執事者執笏興入詣僖祖室北向立搯笏跪執笏者以爵授亞獻亞獻執笏三祭酒于茅苴奠爵執笏俛伏興出戶外再拜訖次詣諸室并別廟行禮并如上儀訖降復位初亞獻既興入室行禮次引終獻詣洗及升殿行禮並如亞獻之儀訖降復位次引太祝徹豆豆各一俱宮闈令東茅訖俱復位禮直官曰賜胙贊者曰賜胙再拜在位官皆再拜訖祠祭官於

殿上贊奉神主入祐室次引荐香燈官搯笏奉帝主入祐室執笏退復位次引宮闈令奉后主入祐室並如上

儀訖退復位初贊奉神主入室執侍夾侍捧腰與官捧

主前俛伏跪奏稱攝內常侍臣某言請安穆皇后神

別廟本室安奉奏訖俛伏與次引宮闈今奉安穆皇后

神主降自泰階升腰與俛伏終獻行禮畢次禮部職掌

於帷次內先捧謚冊寶入西神門于殿西側階排立以

俛前引安穆皇后神主至別廟殿東階下置定宮闈令捧

腰與官捧腰與進行詣別廟殿東階下置定宮闈令捧

神主入詣本室訖次捧謚冊寶退詣兩寶殿次引初獻

交割安奉訖并退引都大主管官往來照管次引初獻

以下詣殿下望瘞位立定有司取幣束茅置坎禮直官

曰可瘞置土半坎本廟宮闈令監視次引初獻以下詣東神門外揖位立定禮直官贊禮畢揖訖退御史臺閤門太常寺分引文武百僚以次退太官令率其屬徹禮饌次引監察御史詣殿監視收徹訖還齋所宮闈令閤

戶以降太常藏祝版於夾室次光祿卿以昨奉進監察御史就位展視光祿卿望闕再拜乃退

中興禮書第二百八十三卷

凶禮四十八

安穆皇后

奉安御容

隆興元年二月二十九日檢察宮陵所言本宮修奉殿宇今已畢工合依昭慈永祐陵攢宮請降御容赴本殿崇奉詔令申尚書省下太常寺討論典禮施行

三月十三日太常寺言本寺尋闕會到皇子鄧王府見今安穆皇后御容本府崇奉係服花冠霞帔寬袖竊緣上件所服非皇后所服將來迎奉安穆皇后御容赴攢宮奉安依禮例合服禕衣九龍四鳳法服今討論欲乞依禮例差官主管傳寫候傳寫畢所有合行安奉禮儀

乞從本寺比附禮例申請施行詔依

二十六日入內侍省都知李綽言昨傳寫懿節皇后顯仁皇后御容依禮例係傳寫三軸內一軸天章閣一軸內中欽先孝思殿一軸下宮崇奉所有今來傳寫安穆皇后御容合依禮例傳寫三本及將來傳寫了畢其御容未審是何官前來迎奉乞下太常寺討論施行詔依四月八日太常寺言勘會昨傳寫懿節皇后御容係三軸當時傳寫畢并迎奉赴天章閣安奉至修奉橫安穆皇后御容今討論欲依懿節皇后御容禮例傳寫三軸內一軸迎奉赴橫宮二軸赴天章閣安奉其迎奉官乞止就差主管傳寫官詔依

五月五日太常寺言今條具到迎奉安奉御容合行事件一依禮例於安奉前一日合差南班宗室一員奉告安穆皇后橫宮欲乞大宗正司差官并合差太祝一

員乞從本寺報臨安府差官并前一日赴橫宮致齋至日行事畢退一安奉前一日乞依禮例令主管傳寫官就見今崇奉御容處早晚行燒香禮并於安奉日時前行告遷燒香禮畢先次迎奉御容二軸赴天章閣權安奉令本閣官俟時至一面行正安奉之禮次令主管傳寫官迎奉御容一軸赴橫宮權安奉俟安奉時至乞令太常少卿一員行正安奉之禮依例乞以本寺官充并合差太祝一員下臨安府差并前一日赴橫宮致齋一迎奉御容赴天章閣并橫宮各合用綵結殿子花瓶麻爐香案等及權安奉幄次并乞令臨安府同儀鸞司差人計會絞縛排辦并合差迎奉僧道及援衛親從官各五十人并擡擎綵結殿子執打從物輦官乞

下皇城司御華院臨安府差撥裝著儀注全一迎奉御容

合用執打從物等乞就用安穆皇后攢宮見管名件執

打迎奉俟畢却行交割一今來係同日迎奉御容赴

天章閣并攢宮安奉所有合用日辰并逐處各合用安

奉時刻並乞下太史局選定申寺闕報施行仍乞令本

局差定時冠擇官二名逐處祇應一奉告安奉合用

祝文二首一首述以迎奉安穆皇后御容赴攢宮奏告之意一首述以安奉安穆皇后御容之意

并合用御封降真香八合一俟太常少卿行安奉禮

畢欲乞依禮例三王詣神御殿行燒香之禮一奏告

并早晚土香各合用酒果蠟燭等安奉合用供養牙盤

食茶酒果蠟燭等乞牒報臨安府排辦內器皿等就用

攢宮見管名件一天章閣正安奉合用御封香一合

乞令本閣請降詔依

二十三日龍圖天章閣奏契勘將來迎奉到御容二軸

內一軸合內中神御殿安奉一軸本閣神御殿收奉今

有合行事件一安奉安穆皇后御容昭穆次序安設

欲乞依例下太常寺差禮直官一員赴閣供具禮例施

行一安奉日時前主管傳寫官先次迎奉御容二軸

赴本閣權安奉令本閣官俟時至一面行正安奉之禮

欲乞差撥援衛親從官肩擊輦官自本閣捧擊腰輿至

祥曦殿門其自殿門捧擊腰輿至神御殿乞差供內儀

鸞司就用本處服也一所有安奉日合用拱養茶酒

果等乞下臨安府排辦詔依

迎奉安奉安穆皇后御容儀

安奉前一日

其日早有司就傳御容所排辦香火等畢備禮直官引
主管官傳寫官詣御容幄前行早燒香禮次行晚燒香
禮并如儀

太常卿等官是日攢宮致齋

迎奉安奉日

其日告遷時前禁衛僧道等並入和寧門至傳寫所門
外排立次輦官擊綵殿詣御容幄前隨地置定輦官權
退次禮直官引主管傳寫官詣御容幄前褥位再拜訖
少退側身立俟剋擇官報告遷時及次引主管傳寫官
詣幄前褥位伏跪奏稱主管傳寫官臣某言請安穆
皇后御容降座升綵殿詣天章閣并攢宮安奉奉訖伏
興退復位次傳寫所奉遷赴天章閣安奉御容二匣升

綵殿訖次輦官捧擊進行禁衛援衛僧道作法事迎引
主管傳寫官後從至天章閣門外禁衛僧道并退詣傳
寫所門外排立次輦官擊綵殿至權安奉幄次奉遷御
容匣降綵殿入幄權安奉訖輦官擊綵殿退次有司排
辦香火等畢備禮直官引主管傳寫官詣幄前行燒香
禮畢

天章閣官依時

行正安奉之禮主寫傳寫官退詣傳寫所幄前少

立俟傳寫所捧遷赴攢宮安奉御容一匣升綵殿訖次
輦官捧擊進行禁衛援衛僧道作法事迎引主管傳寫
官後從出和寧門外禁衛僧道正於門外排立次輦官捧
擊至權安奉幄次奉遷御容匣降綵殿權安奉訖輦官
捧擊綵殿退次有司排辦香火畢備禮直官引主管傳
寫官詣幄前行燒香禮退俟正安奉時將至有司於

神御殿排辦香案供養牙盤食茶酒果等畢備次攢宮
捧遷御容匣入升殿側座訖贊者引太祝詣殿下立定
次禮直官引太常少卿詣殿上褥位少立剋擇官詣太
常少卿前報正安奉時及次引太常少卿詣當中褥位
俛伏跪奏太常少卿臣某言請安穆皇后御容升正座
安奉奏訖伏興少退立俟攢宮遷正訖引太常少卿降
階詣褥位立禮直官贊躬拜太常少卿再拜在位官皆
再拜訖引太祝升殿詣香案前之側立次引太常少卿
升殿詣香案前指笏上香再上香三上香跪奠茶三奠
酒執笏俛伏興少立次太祝指笏跪讀祝文訖執笏興
降階復位立禮直官贊躬拜太常少卿再拜在位官皆
再拜訖退詣望燎位次俟有司焚燎祝文訖退次禁衛

僧道等並退

